

說略

典述

卷十三至十五

下中

字與子



說略卷之十三

江寧顧起元太初輯

典述中

左傳士會自秦歸晉繞朝贈之以策云子勿謂秦無人吾謀適不用也策如布在方策之策蓋書也其下云云卽策文也蓋士會將歸繞朝諫止之而秦君不聽及其行也又難顯言故贈以策書云云見秦之有人使歸晉而不敢謀秦也今以爲鞭策非也劉勰文心彫龍曰繞朝贈士會以策子家與趙宣以書巫臣

之遺子反子產之諫范宣詳觀四書辭若對面據此則豈鞭策乎李白詩臨行將贈繞朝鞭詩人趣韻之誤耳

劉歆曰左氏丘明好惡與聖人同親見夫子而公羊在七十子之後司馬遷曰孔子作春秋丘明爲之傳班固藝文志曰丘明與孔子觀魯史而作春秋杜預序左傳亦云左丘明受經於仲尼詳諸所說皆以左氏爲丘明無疑矣至唐啖助趙匡獨立說以破之啖助曰論語所引丘明乃史佚遲任之類左氏集諸國

史以釋春秋後人謂左氏爲丘明非也趙氏曰公穀皆孔氏之後人不知師資幾世左丘明乃孔子以前賢人而左氏不知出於何代今以左氏傳質之則知啖趙非妄也左氏中紀韓魏知伯之事又舉趙襄子之謚則是書之作必在趙襄子旣卒之後若以爲丘明自獲麟至襄子卒已八十年矣使丘明與孔子同時不應孔子旣沒七十有八年後丘明猶能著書今左氏引之則左氏爲六國人在趙襄子旣卒之後明驗一也左氏戰於麻隧秦師敗績獲不更女父又云

秦庶長鮑庶長武帥師及晉師戰於櫟秦至孝公時
立賞級之爵乃有不更庶長之號今左氏引之是左
氏爲六國人在秦孝公之後明驗二也左氏云虞不
臘矣秦至惠王十二年初臘鄭氏蔡邕於周卽蜡祭
諸經並無明文惟呂氏月令有臘先祖之言今左氏
引之則左氏爲六國人在秦惠王之後明驗三也左
氏師承鄒衍之誕而稱帝王子孫按齊威王時鄒衍
推五德終始之運其語不經今左氏引之則左氏爲
六國人在齊威王之後明驗四也左氏言分星皆準

堪輿按韓魏分晉之後而堪輿十二次始於趙分曰
大梁之語今左氏引之則左氏爲六國人在三家分
晉之後明驗五也左氏云左師展將以公乘馬而歸
按三代時有車戰無騎兵惟蘇秦合從六國始有車
千乘騎萬匹之語今左氏引之是左氏爲六國人在
蘇秦之後明驗六也左氏序呂相絕秦聲子說齊其
爲雄辯狙詐真游說之士押闔之辭此左氏爲六國
人明驗七也左氏之書序秦楚事最詳如楚師漸猶
拾瀋等語則左氏爲楚人明驗八也據此八節亦可

以知左氏非丘明是爲六國時人無可疑者
三代正禮殘缺無復能明禮記一書出自孔氏七十
二子各撰所聞或錄舊禮之義或述變禮之由或兼
記體履或雜叙得失編而錄之以爲此記漢興記數
萬言於后蒼號曲臺雜記河間獻王得舊禮一百三
十一篇集而上之又有明堂陰陽記三十一篇孔子
三朝記七篇王氏史氏記二十一篇王史二氏戰國
時人樂記三十二篇凡五種合爲三百十四篇大戴
刪爲八十五篇小戴刪爲四十六篇至馬融又益以

明堂位月令樂記三篇爲四十九篇行於世謂之禮
記禮記一書曲禮論撰於曲臺而不及五禮之大本
述於博士而盡失先王之大意月令摘於呂覽而錄
秦世之官緇衣本乎尼子而改魯論之文而增損之
禮運載夫子之說有虧於名教經解引易之緯書而
嘗禘之說多牽夫子之諸論明堂位論周公踐阼世
世祀以天子禮樂檀弓載舜葬蒼梧夫子墓馬鬣封
之類皆流俗妄語儒行如後世游說之士所誇大者
玉藻一篇顛倒錯亂且不可以句讀內則載養老三

言明 卷之十三 四
十餘語其文全與樂記同

儒行不隕穫於貧賤晏氏曰隕如籜之隕而飄零穫如禾之穫而枯槁穫之從禾是矣而隕之爲籜則何取乎隕從阜員聲從高而下也易曰有隕自天公羊星實如雨此隕字之義也若曰如阜之隕而頽落斯得其義矣

禮記前有車騎則載飛鴻魏鶴山云六經無騎字禮記亦漢世書耳又左傳昭公二十五年左師展將以公乘馬而歸公徒執之注展魯大夫欲與公俱輕歸

乘如字騎馬也輕遣正反正義曰古者服牛乘馬馬以駕車不單騎也至六國之時始有單騎漢初猶有車戰見夏侯嬰傳高祖之敗彭城去滎陽出成臯皆以數十騎遁去而鴻門之會棄車騎獨騎一馬樊噲四人步從以免其非危迫時往往夏侯嬰中御車高祖在左樊噲乘爲右未嘗廢車也方萬里古今考反覆千餘言今撮其要如此

大戴禮武王踐祚三日召師尚父而問曰黃帝顓頊之道存乎意亦不可得而見與師尚父曰在丹書其

言曰敬勝怠者吉怠勝敬者滅義勝欲者從欲勝義者凶注不解丹書爲何物按左傳襄公二十三年欒豹隸也著於丹書注犯罪沒爲官奴以丹書其罪近世魏律緣坐沒配爲工樂雜戶者皆用赤紙爲籍其卷以鉛爲軸此亦古人丹書之遺法據此則丹書古人之法律書名也

禮記緇衣引葉公之顧命曰母以小謀敗大作母以嬖御疾莊后母以嬖御士疾莊士大夫卿士注以葉公爲沈諸梁按汲冢周書此文在祭公解蓋祭公疾革時告穆王之言祭字誤作葉耳

孔穎達禮記疏案鄭目錄云名曰月令者以其記十二月政之所行也本呂氏春秋十二月紀之首章以禮家好事抄合之後人因題之周公所作其中官名時事多不合周法今申鄭旨什之按呂不韋集諸儒著爲十二月紀名爲呂氏春秋篇首皆有月令與此文同是一証也又周無太尉唯秦官有太尉而此月令乃云命太尉是官名不同周法二証也又秦以十月建亥爲歲首而月令云爲來歲受朔日是九月爲

歲終十月爲朔此是時不合周法三証也又周有六冕郊天迎歲則用大裘乘玉輅建太常日月之章而月令服飾車旗並依時色此是事不合周法四証也故鄭氏云云然按秦始皇十二年不韋死二十六年并天下然後以十月爲歲首歲首用十月時不韋已死十五年而不韋不得以十月爲正又周書先有月令何得云不韋所造又秦并天下立郡縣何得云諸侯又秦好兵殺害毒天下何能布德行惠春不興兵既如此不同鄭必謂不韋作者以呂氏春秋十二月紀正與此同不過三五字別且不韋集諸儒所作爲一代大典但秦自不能遵行耳柳子厚曰夏后周公之典逸矣信然哉

五代廣順中高麗進別叙孝經一卷記孔子所生及弟子從學事又有孝經雌圖說日之環暈星之彗字宋乾道中南詔使者見廣南人言其國有五經廣註春秋後語三史加注張孟押韻集聖曆諸書歐陽公日本刀歌徐福行時經未焚逸書百篇今尚存令嚴不許傳中國舉世無人識古文由此觀之則尚書全

文日本國尚有之也可見古書有在四夷者

蔡邕以漢靈帝熹平四年與五官中郎將高堂谿典
禪議郎張訓韓說太史令單颺奏求正定六經文字
靈帝許之邕乃自書丹於碑使工鐫刻立於太學門
外此初刻也魏正始中又立古篆隸三體石經古文
用鳥跡科斗體篆效史籀李斯胡毋敬體隸用程邈
體晉永嘉中王彌劉曜入洛焚毀過半魏世宗神龜
元年從崔光之請補石經唐天寶中刻九經於長安
禮記以月令爲首從李林甫請也五代孟昶在蜀刻

九經最爲精確是時僭據之主惟昶有文學而蜀不
受兵又饒文士故其所製獨善朱子論語註引石經
者謂子孟蜀石經也宋淳化中刻於汴京今猶有存者
考舊說有云漢靈帝光和六年刻石鏤碑載五經文
於太學講堂之前此初刻也而以蔡邕書丹刻石爲
再刻按袁宏漢紀止載熹平四年春三月五經文字
刻石立於太學之前後六年方改元光和而光和六
年無刻經事此乃以光和爲初刻熹平爲再刻知其
所記之誤矣

蔡邕石經今已堙滅按邕鐫刻七經著於石碑有所
檢据隱括其失而周盡當時號鴻都三字其異文者
附見纔三十年繼遭兵火碑亦損缺魏正始中又立
一字石經相承以爲七經正字後魏遷石經於鄴魏
末齊神武自洛陽徙於鄴都河陽岸崩遂沒於水其
得至鄴者殆不得其半周大象中詔徙鄴城石經於
洛時爲軍人破毀至有竊載還鄴者船壞沒溺不勝
其衆也其後得者盡破爲橋基隋開皇六年自鄴京
載入長安置於祕書內省議欲補緝立於國學會亂

遂廢營造之司用爲柱礎貞觀初魏徵始收聚之十
不一存其相承傳拓之本猶在祕府按石經在元魏
時尚書公羊傳十六碑存十二碑毀禮記十五碑悉
壞但存諫議大夫馬日磾議郎蔡邕名是石經不盡
爲邕如馬日磾輩相與成之又按嵇紹趙至叙曰至
在太學看先君寫石經古文是嵇康亦有石經不知
卽魏一字石經否世第知邕不知日磾且不知嵇康
有書石經事亦缺典也

緯書之作說者以爲孔子旣刪述六經以明天人之

道知後世不能稽同其意故別作緯書以遺來世今
考其書易緯則有乾鑿度坤靈圖稽覽圖通卦驗辯
終備是類謀凡六篇書緯則有考靈曜璇璣鈴刑德
放帝命驗運期授凡五篇詩緯則有推度災紀曆樞
含神霧凡三篇禮緯則有斗威儀含文嘉稽命徵凡
三篇樂緯則有動聲儀稽耀嘉叶圖徵凡三篇孝經
緯則有援神契鈎命訣凡二篇春秋緯則有元命包
說題辭保乾圖漢含孳演孔圖運斗樞文耀鈎感精
符合誠圖考異郵佐助期握誠圖潛潭巴凡十三篇

是爲七緯共三十五篇則於漢儒所傳孔子演七經
之緯三十六篇者已逸其一太平御覽諸書所載又
有論語緯摘輔象撰考讖書緯帝驗期禮緯稽命耀
春秋緯命曆序孝經緯左方契威嬉拒及河圖九篇
洛書六篇與七緯共爲八十一篇然乾鑿度外又有
乾坤鑿度魏伯陽所作叅同契亦爲易緯而說者以
其入於道家遂不列於緯書之目而尚書中候論語
讖亦不與八十一篇之數則漢之爲緯書者不止八
十一篇已也其書實不出於孔子蓋漢武購求遺書

言明 卷之十三
當時儒者多僞作以應命孔安國毛公輩皆目以爲妖妄哀平之世夏賀良之徒又增爲之王莽謀篡漢因符命以濟其奸光武中興復以赤伏爲援於是其書始行當時張衡桓譚力爭之而不能也賈逵以此論左氏曹褒以此定禮樂京房翼奉以此言易鄭玄何休又以此談經末流旣濫不可復障先是毛公孔安國諸人因魯恭王河間獻王所獻表而章之謂之古學至魏王肅註釋孝經推引古學王弼杜預從而和之宋大明中始禁讖緯之書及隋末搜天下書籍

與讖緯相涉者悉焚之而緯書稍戢至唐以來則李淳風輩專明讖學而孔穎達作九經正義亦多引緯書以證其說是時唐志所存緯書尚有九部四十八卷蓋亦不能障其流也至宋歐陽公魏鶴山輩刪而正之而緯學始息然鶴山所作九經要義多引孔穎達正義之說則亦豈能盡斥而遠之哉本朝王子充以爲緯書盡亡今所存者惟易緯乾鑿度不知六經緯書世尚有繕寫之者不止一乾鑿度已也按讖緯前所記未備者易又有坤鑿度運期讖乾元

序制記書又有期中候洛罪級春秋又有演義圖玉
版讖孝經又有中黃讖論語又有素王受命讖比考
讖河圖有會昌符括地象稽曜鈎握拒起帝通紀叶
光篇著命篇揆命篇洛書有甄曜度寶號命錄運期
共二十一種大都此等多係漢人偽作東漢人所著
書如參同契之名皆三字其為假托者多難可斷決
也

諸子儒家則有晏子春秋

齊晏嬰

荀子

楚荀況

羊子四篇

秦博士

徐子四十二篇

宋外黃人

魯仲連子漆雕子十三

篇

開之後

宓子十六篇子思子二十三篇景子三篇子

華子曾子十八篇

參世子

名碩陳人七十子之弟子

公孫尼子芊

子

齊人芊嬰

甯子一篇

越

公孫子一篇

固

王孫子孔叢子

侯子或作侔子董子李氏春秋虞氏春秋陸子

賈新語

劉子

敬

賈子

誼

秦子何子劉子

梁劉勰一曰乃劉晝字孔昭撰

賈山

子董子

仲舒

兒子

寬

公孫子

弘

終軍八篇吾丘壽王

六篇新序說苑

二書俱劉向

楊子法言

雄

韋卿子

彪

潛夫

論

後漢王符

申鑒

荀悅

魏子

後漢會稽魏朗

牟子

後漢太尉融

中論

魏徐幹

王子正論

王肅

萬機論

蔣濟

去伐論

王粲

體論

魏杜恕

篤論志

林述政論虞喜誓論張儼顧子新語吳太常譚新言裴元新義裴元

劉袁子正論袁準華譚新論顧子義訓晉揚州主簿夷崔子至

言文中子王通賈子開元中藍田尉元子結元和子杜信伸蒙子

唐林慎思冀子冀重傅子晉司隸校尉玄鯁子趙鄰素履子唐張弘東

莞子樊子樊宗師道家則有伊尹五十一篇太公二百

三十七篇辛甲二十九篇廣成子老子莊子鬻子列

子文子蜎子老成子長盧子王狄子公子牟田子黔

婁子宮孫子關尹子鶡冠子老萊子十二篇孫子捷

子曹羽郎中嬰齊十二篇臣君子鄭長者楚子淮南

鴻烈解莊成子蹇子唐子吳唐蘇子晉中郎參軍彥宣子

晉宜城令聘陸子雲幽求子杜夷抱朴子葛洪符子東晉員外郎賀

子宋太學博士道養少子齊司徒長史張融無名子張太衡玄子亢倉

子唐世說庚桑子代無其書開元末無能子同光子

劉無待玄真子張志和達觀子淨住子蕭子良天隱子司馬承禎

元中子杜登元筌子瑤瑒黃石子齊丘子法家則管

子李子三十二篇商子慎子到處子趙韓非子游棣

子晁氏新書漢御史大夫錯崔氏政論漢尚書寔劉氏法論魏劉劭

桓氏世要魏大司農桓範陳子要言吳豫章太守融譙子法訓周名

家則有鄧析子春秋鄭大夫尹文子周處士公孫龍子成公

生五篇惠子一篇黃公四篇毛公九篇墨家則有尹

佚墨子隨巢子胡非子二子皆墨翟弟子董子戰國董無心我子

田侏子縱橫家則有蘇子張子龐煖二篇闕子國筮

子蒯子鄒陽主父偃鬼谷子補闕子梁元帝雜家則有

大禹孔甲盤孟伍子胥子晚子由余尸子秦相衛鞅上客尸佼

呂氏春秋淮南子東方朔吳子公孫尼子解子金樓

子梁元帝農家則有神農野老宰氏范子計然宰氏董

安國尹都尉書趙氏王氏蔡葵汜勝之漢議郎農子王珉

小說家則有伊尹說鬻子說周考師曠務成子宋子

黃帝說虞初周說燕丹子青史子宋王子郭子晉中郎澄

猗犴子元結乾牒子溫庭筠兵家則有司馬穰苴子孫子

吳子起魏惠王時人尉繚子魏惠王時人樵子韋子

楊龜山云述而不作信而好古竊比於我老彭老老

子也老子五千言以自然為宗謂之不作可也朱子

曰某亦疑此語只以曾子問中言禮數段證之即述

而不作信而好古皆可見聃周之史官掌國之典籍

三皇五帝之書如五千言亦或古有是語而老子傳

之未可知也蓋列子引黃帝書卽老子谷神不死章也此說見朱子大全答汪尚書書按佛經三教論曰五千文者容成所說老子爲尹談蓋述而不作又按莊子引容成氏曰除日無歲無外無內則容成氏固有書矣老子述而不作此其明證老子服文采帶利劍厭餘食而資貨有餘此之謂盜竽韓非解云竽也者五聲之長也竽唱則衆樂皆和大盜唱則小盜和故曰盜竽今本誤作盜夸則無意義矣

內篇斷非莊生不能作外篇雜篇則後人竄入者多之增讓國在孟子時而莊文曰昔者陳恒弑其君孔子請討莊子身當其時而肱篋曰陳成子弑其君子孫享國十二世卽此推之則秦末漢初之言也豈其年踰四百歲乎曾史盜跖與孔子同時楊墨在孔後孟前莊子內篇三卷未嘗一及五人則外篇雜篇多出後人可知又封侯宰相等語秦以前無之且避漢文帝諱改田恒爲田常其爲假託尤明矣文中子動以孔子爲師其見地甚高志甚大或以摸

擬太過病之非也此如世人有所慕悅則其舉止言
動不覺盡似之以其精神所注故也不然詩祖李杜
文祖遷固未有非之者獨訾文中子之法孔子宋咸
作駁中說謂文中子乃後人所假託實無其人則幾
於瞽說矣王績有負苓者傳陳叔達有答王績書曰
賢兄文中子恐後之筆削陷於繁碎宏綱正典暗而
不宣乃興元經以定真統陸龜蒙送豆盧處士序亦
曰昔文中子生於隋代知聖人之道不行歸河汾間
修先君之業後司空圖皮日休俱有文中子碑五子
皆唐人言之鑿鑿如此咸獨臆斷其無可乎宋龔鼎
臣嘗得唐本中說於齊州李冠家蓋中說之行久矣
陳同父類次文中子云十篇舉其端二字以冠篇篇
各有序惟阮逸本有之又阮龔二本時有異同如阮
本曰嚴子陵釣於湍石爾朱榮控勒天下故君子不
貴得位龔本則曰嚴子陵釣於湍石民到於今稱之
爾朱榮控勒天下民無得而稱焉龔本曰出而不聲
隱而不沒用之則成舍之則全阮本則因董常而言
終之曰吾與爾有矣豈逸不無增損於其間遂啓後

世之疑邪

莊子曰各有義則之謂性此卽詩烝民之旨也後人未易可到賈誼曰少成若天性又曰性者神氣之所會性立則神氣曉曉然發而通行於外矣與外物之感相應故曰潤厚而膠謂之性其所謂潤厚而膠者今人名物之堅者曰有性不堅者曰無性之謂也王輔嗣曰不性其情何以久行其正禮運記曰六情所以扶成五性也孝經緯曰魂者芸也情以除穢魄者白也性以治內趙臺卿曰性情相與表裏啖助曰情

本性中物韓嬰曰卵之性爲雛不粥不孚則不成爲雛繭之性爲絲不淪不練則不成爲絲陳搏曰情者性之影也其諸說與宋儒異而特妙矣

爾雅詩訓詁也子夏傳詩者也子夏輩六十人纂先師微言爲論語論語中言詩者多矣子夏獨能問逸詩晦庵讀詩綱領述論語十條而終之子夏傳記中言子夏嘗傳詩今所存者詩大小序小序又非盡出子夏故曰爾雅卽子夏之詩傳也疏言釋詁周公所作今其中一字二字者姑弗論謔浪笑傲變風詩焉

得周公釋乎支干九州五方四極狒狒猩猩之類詩無其文者或叔孫通所益梁文所補要之傳詩者十九且爾雅有釋詁釋訓毛公亦以其傳詩也故其解詩錯取爾雅之名題曰詁訓傳則爾雅之傳詩毛公固謂其然矣

爾雅疏云爾近也雅正也謂其近於正也此妄說也雅可以訓正爾不可以訓正邇可訓近而爾非近也按說文爾从尪爲義从爾爲聲麗爾也麗爾之爲言猶靡麗也漢人有此語三蒼解詁云爾云華繁也詩

曰彼爾維何維常之華本草紫綦一名月爾卽今紫蕨也其芽拳曲繁盛故名月爾雅之爲言取義於烏烏有善德曰雅也古人以嗚呼爲歎辭則雅爲正音可知然則爾雅之云猶麗則之云也漢書文章爾雅訓辭深厚以爾雅與深厚爲對固知當解爲麗則而不可解爲近正也

世說之名不起於臨川劉向六十七篇中已有此目其書今亡臨川因錄後漢至江左名士佳語亦謂之世說本題爲世說新書劉子玄史通中以此名段成

言明 卷之十三
式引王敦澡豆事以證陸暢事爲虛亦云近覽世說
新書而今本謂之新語不知孰更名之也

劉子玄史通所載古今正偏史今多不存澹園先生
筆乘常載之中如晉春秋竹書紀年陸賈楚漢春秋
譙周古史考荀悅漢紀張璠漢紀謝沈漢書司馬彪
續漢書袁宏後漢紀華嶠後漢書東觀漢記習鑿齒
漢晉春秋晉孔衍漢尚書後漢尚書魏尚書王沈魏
書項峻吳書韋曜吳書魚豢魏略孫盛魏氏春秋王
隱刪補蜀紀張勃吳錄王隱晉書沈約晉書孫盛晉

陽秋千寶晉紀何法盛晉中興書陸機晉書臧榮緒
晉書鄧粲晉紀檀道鸞續晉陽秋徐廣晉紀王劭晉
書裴子野宋略沈約齊紀吳均齊春秋何之元劉璠
梁典姚察梁書姚最梁後略書裴政梁太清實錄蕭
韶太清紀蔡允恭後梁春秋公師或十六國史鄴都
紀和苞漢趙紀杜輔全錄燕紀董統燕史王景暉南
燕錄常璩蜀李書索綏涼國春秋張重華涼紀索暉
涼書劉昞涼書又有燉煌實錄裴景仁秦記馬僧虔
秦史衛隆景秦史姚和都秦紀崔鴻十六國春秋王

劭北齊志杜臺卿齊紀牛弘周書王劭隋書顏師古
 隋書張太素隋後略皇覽玄晏帝王世紀韋昭洞記
 陶弘景帝王年歷虞世南帝王略論梁武帝通史元
 魏濟陰王暉業科錄晉樂資春秋後傳孔衍春秋後
 國語司馬彪九州春秋梁世子蕭方等三十國春秋
 于令昇史議漢武帝禁中起居注馬皇后撰明帝起
 居注樂資山陽公載記王韶晉安陸記姚梁後略王
 粲漢末英雄記劉向列女傳神仙傳杜預列女記梁
 鴻逸民傳趙採忠臣傳徐廣孝子傳嵇康聖賢高士

傳皇甫謐高士傳戴逵竹林七賢論楊雄蜀王本紀
 圈稱陳留耆舊傳周斐汝南先賢行狀陳壽益部耆
 舊傳張方楚國先賢傳梁元帝懷舊志盧思道知己
 傳郎餘令孝子後傳梁元帝同姓名人錄妍神記蕭
 大園淮海亂離志汲冢璣語和嶠汲冢紀年葛洪西
 京雜記三輔黃圖宋孝王關東風俗傳宋南徐州記
 晉宮闕名隋東都記揚銜之洛陽伽藍記馬溫鄴都
 故事趙岐三輔決錄沈瑩臨海水土記周處陽羨風
 土記桑欽水經盛弘之荊州記常璩華陽國志虞溥

江表傳虞預會稽典錄辛氏三秦志羅含湘中記潘岳關中記陸機洛陽記建康宮殿記姚察西征記撰茗酪記楊雄家諫謝承家語荀氏家傳摯虞姓族記兩主百家譜殷敬世傳孫氏譜記陸宗系傳楊子山哀牢傳顧協瑣語謝綽拾遺劉義慶世說新書裴榮期語林孔思尚語錄楊松珍談藪郭子橫洞冥記王子年拾遺記劉劭人物志祖鴻勳晉詞記陸景典語劉勰文心雕龍李充翰林論摯虞文章流別集阮孝緒七錄祖台之志怪干寶搜神記劉義慶幽明錄劉

敬叔異苑邯鄲淳笑林劉芳周官音禮記音

劉孝標注世說自漢魏吳諸史子傳地理之外如晉氏一朝諸史及諸公列傳譜諫文章凡一百六十六家皆出正史之外此又齊梁以上書也譜諫別傳姑不暇及餘書亦疏其目已見史通者不載薛瑩後漢書劉向別錄環濟吳紀梁祚魏國統紀曹瞞傳魏末傳朱鳳晉書虞預晉書劉謙之晉紀後略曹嘉之晉紀晉惠帝起居注晉安帝紀晉百官名晉諸公贊摯虞世本車頻秦書趙書袁敬仲正始名士傳又海內

名士傳劉義慶江左名士傳魏明帝時撰海內先賢傳皇甫謐逸士傳蕭廣濟孝子傳張隲文士傳華嶠譜叙晉世譜杜篤新書郭頒魏晉世語盧綝晉八王故事高逸沙門傳名德沙門題目衛禹永嘉流人名周祇隆安記漢南記荀綽兗州記三秦記丹陽記諸葛穎揚州記陳留志萬震南州異物志襄陽記雷次宗豫章舊志張僧鑒潯陽記張資涼州記西河舊事鄭緝之東陽記永嘉記賀循會稽記鍾離岫會稽後賢記洛陽宮殿簿神農書劉向五經通義文字志文

章叙錄摯虞文章流別志殷淳婦人集虞通之妒記青烏子相冢書相牛經

又裴松之注三國志亦旁引諸書史稱與孝標之注世說可爲後法今觀其所載如孫盛異同雜語孫盛雜記袁曄一名曄獻帝春秋魏武故事獻帝起居注李氏海內先賢行狀衛恒四體書勢序傅子魚豢典略劉艾靈獻二帝紀張華博物志魏文帝典論顧愷之啓蒙注孔衍漢春秋後漢春秋魏春秋傳暢漢諸公贊獻帝記漢末名士錄司馬彪戰略零陵先賢傳

魏末傳山濤啓事皇甫謐列女傳荀綽九州記袁氏
世紀博物記陸氏異林胡冲吳歷列異傳陰澹魏紀
袁子摯虞決疑要注魏名臣奏事管輅鳥鳴書易林
風角書陳壽益州耆舊雜傳記葛洪神仙傳李軌晉
泰始起居注諸葛氏集吳大鴻臚張儼默記蔣濟萬
機論譙周定法訓五經論蜀本紀殷基通語楊戲季
漢輔臣贊虞喜志林王隱交廣記常昭官職訓辯釋
名以上皆正史之外采擇入注酈道元水經注亦多
引異書聊備疏之如山海經春秋說題辭釋名春秋

考異郵春秋元命苞管子莊子孝經援神契桓譚新
論徐幹齊都賦應劭風俗通班固白虎通爾雅楊泉
物理論郭緣生述征記括地圖穆天子傳命歷序握
河紀淮南子釋氏西域志郭義恭廣志康泰扶南傳
法顯傳支僧載外國事竺枝扶南記竹書紀年周處
風土記東方朔十洲記東方朔神異經遁甲開山圖
成公子安大河賦西河舊事涼土異物志史記應劭
地理風俗記黃義仲十三州記段國沙州記秦州記
劉向神仙傳晉書地道記范曄後漢書闕駟十三州

志世本徐廣史記音義魏土地記禮三朝記虞氏記
 東觀漢記博物志汲郡古文京房易妖占穀梁春秋
 傳晉太康地記潘岳西征賦三秦記揚雄河東賦公
 羊春秋傳衛恒叙篆漢晉春秋太原地記左傳戰國
 策搜神記司馬彪郡國志袁崧郡國志帝王世紀郭
 頒世語論衡張景陽玄武觀賦呂氏春秋應瑒虛河
 賦曹大家東征賦劉澄之永初記續漢書乾鑿度京
 房易傳劉楨黎陽山賦孟氏記戴氏西征記晉八王
 故事桑欽地理志圈稱陳留風俗傳李肅三齊略記

廣雅王肅喪服要記詩譜孔叢子神農本草盧諶征
 艱賦皇覽馬淵郡國志應劭漢官儀孫子荆故臺賦
 家語袁宏北征賦伏鞞北征記車頻秦書晏謨齊記
 伏琛齊記繁休伯避地賦韓詩外傳魚豢典略袁彥
 伯竹林七賢傳墨子上黨記劉歆遂初賦韓詩外傳
 趙記盧綝四王起事班叔皮遊居賦燕書魏文帝述
 征賦陸翽鄴中記獻帝春秋魏武登臺賦左思魏都
 賦劉劭趙都賦晉劉或長沙舊傳傅逮述遊賦中山
 記王隱晉書李彤上古聖賢冢地記謝承漢書王粲

英雄記河圖玉板孫盛魏春秋傳毅反都賦摯仲治
三輔決錄注司馬彪續漢書管輅別傳陸機洛陽記
語林石季倫金石詩集序文士傳晉中州記竹林七
賢論傅暢晉書河南十二縣簿漢官典職鹽鐵論李
尤平樂觀賦華嶠漢書東京賦晉宮閣名蔡邕月令
章句洛陽地記百官志晉後略潘岳關中記皇甫士
安高士傳列異傳春秋後傳三輔黃圖繁欽建章鳳
樓闕賦漢武故事傅子燕丹子韓子曹瞞傳張衡溫
泉賦世本關中圖劉向烈士傳常璩華陽國記漢中

記魯連子呂忱字林周斐汝南先賢傳信陽先賢畫
讚春秋外傳馮衍顯志賦張顯逸民傳嵇康高士傳
春秋佐助期郭緣生續述征記陳留志應德璉西征
賦崔季珪述初賦從征記抱朴子玉策記鄒山記春
秋孔演圖劉公榦魯都賦沈約宋書陸機行思賦尸
子論語撰考識來攻本蜀論盛弘之荊州記郭景純
江賦郭之美羅浮山記楊修五湖賦吳記神異傳樂
資九州志庾仲雍漢記江記荊州圖副記嵇氏譜馬
融廣成頌郭仲產襄陽記左吳八公記隋李充益州

記揚雄蜀都賦益部老舊傳習鑿齒襄陽記宜都記
 周書武昌記玄中記袁休明巴蜀志武陵先賢傳林
 邑記范泰古今善言劉欣期交州記王氏交廣春秋
 楊氏南裔異物志俞益期牋尚書大傳交阯外域記
 宋沈懷遠南越志羅含湘中記工歆始興記郭景純
 南郊賦孫放廬山賦雷次宗豫章記遠法師廬山記
 尋陽記錢唐記異苑越絕書萬善歷謝康樂山居記
 嵩高山記孫暢之述畫孫綽高士傳長沙耆舊傳京
 相璠春秋土地名晉輿地圖楚漢春秋裴淵廣州記

鄧德明南康記薛瓚漢書注

漢書中多用古字或假借用字暇日讀之因疏出以

資考覽酒讎數倍所從買家輒大讎之讎即售字 繇咸

陽之繇呂竹皮為冠之呂古以字 公巨能入乎之巨即詎

項它之它羽亨周苛之亨漢王病創臥之創瘡 疾

瘡之瘡甚亡謂也之亡地執便利之執擇寬惠修絜

者王齊荆地之絜規摹弘遠之摹欲除三族臯之臯

古罪字 呂祿產顛兵秉政之顛俳徊往來之俳徊喋血

之喋當作 西鄉讓者二南鄉讓者再之鄉未有慝志

之慝嬪天下之嬪上下驩欣之驩祠官祝釐之釐音僖

施山澤之施無踐之踐也大紅小紅之紅功也罪人不

帑之帑農桑穀畜之穀繫也坐臧為盜沒入臧縣官之

臧訾算之訾與貲同罔密文峻之罔受鬻之鬻即粥字氏

羗徠服天馬徠之徠待命加嫚之嫚雍於上聞之雍

東夷歲君之歲歲古穡字修天文檀之檀古禪字天地況施

之況豐駕之豐勃海之勃倭仔之倭仔或從女共養省

中之共蜀郡犇命之犇流庸之庸以叔粟當今年賦

之叔閭里奸邪之奸滅天下鹽賈之賈六藝之藝賜

功臣適後黃金之適音嫡鸞鳳萬舉蜚覽翱翔雉蜚集

於庭之蜚畜產大耗什八九之什海外有截之截媮

合苟從之媮殷周法行而姦軌服之軌與宄同三光晻

昧之晻音暗婁敕公卿之婁正氣湛掩之湛與沈同甘延

壽陳湯橋發戊巳校尉屯田吏士之橋與矯同百姓勦

力自盡之勦待詔掖庭王檣之檣窮極幼眇之幼音要

黨與寔廣之寔又瀋劇之瀋天著變異以顯朕郵之

郵與尤同申敕百寮之寮即僚也票騎將軍之票未皇寧

息之皇義陵寢之寢捕蝗詣吏以石尉受錢之尉呼

施之施辟靡之靡用力如此其難也之難適戍之

適備於戎狄之備烏虜之虜姍咲三代之姍子弟為

疋夫之疋厥角韻首之韻抑裴之抑即執也執之執即執也

泰山若厲之厲饗共已之治之共音恭遶東布章之東

視化勸後之視與示同宓羲之宓音伏敷五教之敷咎繇

作士之咎繇繇作朕虞之繇古益字牧橐昆蹠令丞之

蹠馵粟都尉之馵輯濯之輯與輯同亡懷氏之亡悔母

之悔即媼母也鬼史區之史史察聲相近泠淪氏之泠淪即伶倫也

又作泠綸簡邊之邊即秋字王兒之兒即倪字許繇之繇

即許劉繁之繁即累字末嬉之嬉有嫫氏之嫫即莘字中

胥之胥即忽字輪邊之邊即扁也粥拳之粥即鬻拳祝佗之

佗何蕢之何厥黨童子之厥尾生高之尾即微生高也禽

屈釐之屈屈即滑也知過之過即知果伏戲之戲萬物棣通

之棣音替秋鞮也之鞮燥溼之溼炮犧之炮哉生霸有

死霸之霸即古魄字壆人舉由而與之之壆之由莫善於

禮之善古善字宴娛之娛音戲四極爰轅之轅音臻雷震之

雷轟放悲之放悲音弗興文偃武之偃專與萬物之專

少木零落之少須搖之搖音史雙飛常羊之常羊即徇

紛云之云寂寥之寥假狄合處之假音遐敦昆侖之敦

音屯鴉吉時之鴉音翔熏鬻之熏音育籥浮雲之籥音躡

紛員之員巴俞之俞左止右止之止音趾桔拳之拳

音共田晦之晦音畝或芸或芋之芋臧緹千萬之臧

必取澹焉之澹音膽官職耗廢之耗音耗底柱之底帶財

之帶音滯氏首仰給之氏音低秋豪之豪鬻鹽之鬻音古煮

大氏之氏音氏旗織之織音卽河東不辯之辯音乃辦

么錢之么元龜岨冉之岨音至百姓俞病之俞音愈野有

餓芟之芟欲卷夏社之卷音古遷音壘內名山大川之壘

處羲之處音伏地螾之螾音蚓僂人之僂音古仙齊之西竟

也之竟沛水之沛鴻漸于般之般搯擊之擊音古腕鴈

亨上帝鬼神之鷺百姓叩望之叩膾食之膾音與綴宥

高之宥音古崇三能之能音台畢祭堂上之祭音古燎泰液

之泰后稷封於釐之釐音部大王建於邽梁之邽音岐忽

明上通之忽音聰遙興輕舉之遙音古遙先毆之毆音驅天

下說熹之熹靡有解怠之解天墜之墜音地萬福降輯

之輯音與集鶴臠之臠音古隨毒冒之毒冒音玳瑁

蛭音即虹衿北一星曰牽之牽音古轄出入趨疾之趨作

詒之詒即詒 雲搏而崑銳之崑雷電輟重辟歷之輟

即震 辟歷即霹 彗俗之彗即詒 彝倫道叙之道攸 叶

用五紀之叶音 艾用三極之艾又 數其阨福之阨古

字 檻仲舒之檻與擊同 知人則慙之慙濫炎妄起之

炎燄字 祝禮之禮古詛 思曰睿之睿古作 子贛之贛

音 溷肴無別之肴王子鼂之鼂即朝 宮門銅鍤之鍤

與環 檄高后掖之掖腋 頭有頽髮之頽墮水之墮見

巢難盡之難古然 佞調之調古詔 冬雷桃李華常與

之罰之與燠 鬲閉門戶之鬲與隔 蠖蠹有翼之蠖蠹

也 豕人立而嘒之嘒豕出函之函銜其脯之脯古

字 刑僂之僂古戮 無眈之眈射 王心弗戎之戎古堪

荒沈於酒之沈耽 襄山襄陵之襄古懷 厥棐織文之

棐與篚 大壑既豬之豬豬 蠙珠泉魚之泉暨 瑤瓊篠

簞之瓊琨 渠叟之叟搜 濩曰五湖之濩古浸 五方雜

厝之厝古錯 四載小戎之四載駟鐵 淇奧之奧澳 貪

遴之遴吝 遭我葦嶼之間之嶼岬 臨留之留李冰鑿

離隼之隼古堆 湛白馬玉璧之湛寘決河之寘填 魚

弗鬱兮柏冬日之柏迫 漕船五百艘之艘艘 孔子纂

焉之篡撰 大命之命禹 楚鞞之鞞春秋說詁之詁妖

百藥齊和之齊劑 亭長儀船之儀儀 饗王離之饗古

字 相背之鑿也之鑿古戾 及其蠶之蠶鋒 諭謂布何

苦而反之諭遙 以畫奸澤之奸與干 狃糠及米之狃

字 綮足之綮古累 營或天子之營或熒惑 方洋天

下之方房 飴我釐薺之飴詒 歛歛訛訛之歛猥猥之

猥音 爰益之爰袁 趣亨之趣促 上嫫媿士之媿古侮

道引不食穀之道導 大王資侮人之侮古侮 司馬尼

之尼音 伏質之質鎖 蹢蹢廉謹之蹢蹢 握齶之握齶

齶音 好荷禮之荷與苛 黽結之結髻 張旗志之志與

同 骹天下正法之骹古委 剽懷邪辟之計之剽專 事

刃之事本作 景嚮之嚮響 及目之及古側 僕邀不足

數之邀古速 噪諱之噪古叫 押至之押音 星莠於河

鼓之莠與莠 涕泣流兮萑蘭之萑蘭汎 出稱警入言

趨之趨躡 擬於天子之擬擬 梁孝王有鬻尊之鬻古

字 異物來崒之崒音 屈信之信伸 倒縣之縣懸 緼抱

之緼抱卽 妃色之妃配 趣中肆夏之趣趨 笞馮之

馮馬 頑頓之頓鈍 鬻者不可復屬之鬻古 取蟲成

雷之蟲古蚊善司之司伺數與虜确之确角莫府之

莫古與幕通用呐口少言之呐訥爰臂之爰猥礪石武夫

之武夫砥碣也巴且之且苴仰艸榛而捫天之艸古攀字

答逖離支之離支即荔枝解廌之解廌獬豸統楫羣元之

楫與集同小冠高廣財二寸之財與纜同小卞之卞弁熏

輶天下之輶燎借用翎侯之翎翕進孰之孰熟石室金

鑽之鑽與賈同猶與之與豫黨得削國之黨儻負黼依

之依辰買臣歌嘔道中之嘔與謳同蜉蝣之蝣蝣水多

蠅魚之蠅蛙館陶公主胞人之胞與庖同敖弄之敖傲

弁嚴子之弁卽卜也鷩鷩之鷩脊魁然無徒之魁讀曰塊

瑠瑒之瑒篆囹圄之圄固脛脛者未必全也之脛悻

奮衷低叩之衷古袖字豪彊執服之執讀曰熱靡財單幣

之單殫攝齋登堂之齋音咨後將軍數畫軍冊之冊策

以馬自佗負之佗馱漸壘之漸斬木樵之樵譙避慊

之慊嫌風寒之所匿薄之匿偃媚謾亡狀之媚情漿

酒霍肉之霍藿呶呶黃髮之呶譎鬣茅作堂之鬣剪

規撫之撫摹西曹地忍之之地猶第也敖盪之盪蕩仿

佛一端之仿佛蠶氣之蠶鋒尹翁歸字子兄之兄讀曰

兌各

况眉憮之憮媮奕弱之奕軟涌趨邪陰之趨躍唯財

留神之財與裁同盪滌濁濺之濺穢廋索私屠酷之廋

搜嗾退之嗾古謙字噉咷楚歌之咷音滌直容之直但踞

慢不遜攘之攘古讓字率意亡讐之讐古愆字犬馬齒哉

之哉耄無怵愁憂之愁惕壹关為樂之关古笑字罷苑

之苑古苑字因江潭而淮記兮之淮往蜚眉之眉古眉字

上天之緯之緯載兀華蹈衰之兀古掌字眈隆周之眈

即覓字雲霏霏而來迎之霏古霏字西馳闐闐之闐與闐字

揜象犀之揜古牽字紘中之紘古紘字騎京魚之京鯨其

塵至矣之塵古勤字毆橐它之它駝分梨單于之梨與

同扶服蛾伏之蛾與蟻同棍於世俗之棍同也時人皆習

之之習與忽同條侯至貴居也之居與倨同趙禹為人廉

裾之裾與倨同義縱少溫籍之溫韞咸宣之咸減抱關

擊楫之楫柝山不糴槩之糴古槎字千石魚波讀曰千

章之萩之萩即楸字陳夏千畝棗之棗漆千畝卮茜之

卮梔醢醬千瓊之瓊缸跋鴟之跋躡熾嗇之熾與纖同

藉友報仇之藉古藉字濯船之濯讀曰麗山之麗驪流

離之流離即瑠璃裏誠秉忠之裏古懷字班倢仔蛾而大

幸之蛾與俄同 不畏疆圉之圉不隧如髮之隧墜上 疊疊

翼翼之疊疊 恐獨良民之獨喝 兒很自臧之兒古貌字

不輒驕居之餌之輒隗跽之跽窆稅之窆卽節字 悻世

業之悻與肆同 蠱生民之蠱古鮮字 桌取后之桌栗 吹中

穌為庶幾之吹肆 之穌和 東公之公古隣字 闞尹之皆

之皆漑 耽耽泚泚之泚滌 攜手遂秦之遂遯 伏於海

鳴之鳴鳥 善眩之眩與幻同 烏秣國之烏秣音鷄拏 翔實

之翔卽詳字 戲下之戲音麾字

漢書所載地名多奇字後世讀之倉卒不辨今略記

之蒯成上音陪 揶音旬 汴陵上音直夷反 南郎下音貞 南奔下音普孝

反 膾遼 蓀兒卽語兒 灑獲 投栩上音丁活反下音詡 盩屋音周至 釐

音 郤音上與狐同下 蓐音之涉反 稜人上音璫 灑彊上音於謹反 鮑陽音上

紂紅 隗與鞠同 藁古龍字 卽音忌 軼音徒系反 鄙音萌又莫耿反 秣音拓 瓠

音 貢卽 南絲下音良全反 裸虜上音朔 鄆音若么反又差鼻反 愬題古上

莎 迺上音古 杌音力 猊音由 輒卽輒字 睡音直瑞反 澁音哉 幟音堅 邾音夫

又音 扶 郤鄉上音吾又音魚 公猶上音仇 含淮下音匡 佷山上音恒 盥

音 呼 咄音胡工反 郁駟上音莫亞反 母掇下音之悅反 鼈音不列反 獯

道上音完 摺次上音子如反下音恣 樸剗音蒲環 蒼松下音古松字 籛得上音

說各

鹿 驪 軒音遲 天 隍下音 樂 涪下音 大 厦下音 固 園音 崢

郭 音 靦 是上音 稠 陽上音 莫 鮒音切 淫 陶上音 庠 奚上音

題 紫音力 訃 邯上音 沮 水上音 羸 樓音蓮 荀 扇下音

漏 同 麓 泠音麋 朱 戴下音 澁音 荏音仕 垓音 高 屎 山音

字 柘 曩 曾 錄 字 之 別 音 者 漢 書 中 地 名 多 有 之 如 櫟 陽上音

藥 蓮 勺音輦 徵音 錫音 解音 屯 留上音 共音 蕩 陰上音

湯 卷音去 平 輿下音 滇 陽上音 堵 陽上音 葉音式 厲

鄉 賴上音 芍 陂上音 藁 臯音拓 單 父音善 東 緡下音

句 陽上音 龍 亢下音 鄆 多音 卽 裴下音 劍 厝音趨 脩

市 條上音 般 琅 槐下音 被 陽上音 於 陵上音 蛇 丘上音

移 零 段下音 襄 賁下音 費 承音 故 鄣下音 黝 伊音

葭 明下音 縣 虎下音 卑 水上音 味 葉 榆上音 比

蘇 二上音 且 蘭上音 同 竝下音 宛 溫上音 母 單

丹 音 無 句 町音 枳音 氏 道上音 浩 疊音合 令

居 連上音 允 街上音 番 和上音 乾 齊上音 安 俾下音 烏

氏 下音 祖 厲音 眴 卷音 月 氏下音 略 畔俗音

圓 銀 推 邪下音 窳 渾下音 桐 過下音 桑 乾下音

克 各 卷 之 一 三 三 五

且如上音子 唯督音句 令支上音鈴下 無慮音巫 番

汗音盤 樂浪音洛 黏蟬下音 中留下音力 西捲下音

辟陽上音 脩音 陽夏下音 攸音 承陽上音 蕃音 曲遇

曲音丘禹 語兒上音御 師古注云郡縣之名土俗各

有別稱不必皆依本字也

劉之遴傳云鄱陽嗣王範得班固所上漢書真本謂

今本諸王傳襍在諸傳中古本悉類項傳前又謂古

本漢書稱永平十六年五月二十一日巳酉郎班固

上而今本無之古本叙傳號中篇今本稱為叙傳載

班彪行事而古本云班生彪自有傳今本紀及表志

傳不相合為次而古本相合為次總成三十八卷今

本外戚傳在西域傳後而古本外戚傳在帝紀下今

本韓彭英盧吳述云信惟餓隸布實黥徒越亦狗盜

芮尹江湖雲起龍襄化為侯王而古本述云淮陰毅

毅伏劍周章邦之傑兮實惟彭英化為侯王雲起龍

襄古本第三十七卷解音釋義以助雅談而今本無

此卷其不同如此所謂古本漢書乃蕭琛在宣城有

北僧南渡惟齋一葫蘆中有漢書叙傳僧曰三輔者

老相傳以爲班固真本琛固求得之其書多有異今者紙墨亦古文字多如龍舉之例非隸非篆琛甚秘之乃以餉鄱陽王見琛傳

本草神農書也中言豫章朱崖趙國常山奉高真定臨淄馮翊出諸藥物如此郡縣豈神農時所有邪山海經禹益書也中有長沙零陵桂陽諸暨如此郡縣豈禹時所有邪三墳伏羲神農黃帝書也然謂封拜之辭曰策策始於漢而謂伏羲氏有策辭可乎祭天地於圓丘大夫之妻曰命婦周禮始有之而謂天地

圓丘恩及命婦爲黃帝之事可乎相人之術起於衰世而謂聖人以形辯貴賤正賢否爲神農之書可乎三略六韜太公書也然其中雜援軍讖以足成之夫讖書起於戰國之後太公之時曾有之乎中略之末謂三略爲衰世而作太公之佐文武果衰世乎六韜中其言多誣聖賢之甚竊孫吳之陳而謂太公爲之乎爾雅周公書也然其中有云張仲孝友張仲宣王之臣也周公安得載之爾雅汲冢周書也其周月解則以日月俱起於牽牛之初夫自堯時日躔虛一度

至漢太初曆始云日起牽牛一度何周月而乃爾時
訓解則以雨水爲正月中氣夫自漢初以前曆皆以
驚蟄爲正月中氣至太初曆始易之以雨水何時訓
而云然子華子程本書也其語道德則頗襲老列之
旨語專對則皆倣左氏之文是何彼此之偶合作聲
訶似指漢武朱寫芝房之事喻子車復竊韓愈宗元
墓銘之意是何先後之相侔蒼頡篇李斯作也其曰
漢兼天下海內并廁豨黠韓覆畔討滅殘然則漢事
何以載於秦書列仙傳劉向作也贊云七十四人出
佛經然則釋教何嘗興於漢前此類甚多或摹古書
而僞作或以已意而妄增至使好事之流曲爲辯釋
以眩其博是皆未之深考耳

梁武教諸王書令殷鐵石於大王書中榻一千字不
重者每字一片紙襍碎無叙武帝召周興嗣謂卿有
才思爲我韵之興嗣一夕編次進上鬚髮皆白而賞
甚厚楊文公談苑云千字文云勅員外散騎侍郎周
興嗣次韵勅字乃梁字傳寫誤耳當時帝王命令尚
未稱勅至唐顯慶中始云不經鳳閣鸞臺不得稱勅

勅字之名始定於此也

檄書露布何所起乎漢陳琳草檄曹操見之頓愈頭風遂謂檄起於琳說文檄二尺書徐鍇通釋曰檄徵兵之書也漢高祖以羽檄徵天下兵有急則插以羽爾雅木無枝爲檄注檄擢直上也文心雕龍有張儀檄楚書隗囂檄亡新文文選有司馬相如喻蜀檄文則檄非自琳始也明矣隋禮儀志後魏每戰克書帛於漆竿上名露布世說桓宣武征鮮卑喚袁粲作露布倚馬手不輟筆俄成七紙如隋志世說所云則露

布起於後魏而晉因之然漢官儀凡制書皆彌封唯赦贖令司徒印露布州郡又漢書賈洪爲馬超作伐曹操露布則漢時已然及讀初學記引春秋佐助期曰武露布文露沉宋均云甘露見其國布散者人上武文采者則甘露沉重豈露布之義當取於此與按漢書天子所下之書有四一曰策書注曰策者編簡也其制長二尺短者半之篆書起維年月日以命諸侯王公若三公以罪免亦賜策則用一尺木而隸書之又按唐百官志曰王言有七一曰冊書立皇后

皇太子封諸王則用之說文云冊者符命也諸侯進受於王象其札一長一短中有二編之形當作冊古文作籒蓋策冊二字通用至唐宋後不用竹簡以金玉爲冊故專謂之冊也

碑非文章之名也而陸機曰碑披文以相質按檀弓曰公室視豐碑三家視桓楹釋者曰豐碑斲大木爲之桓楹者形如大楹謂之桓植喪大記曰君葬四綽二碑大夫葬二綽二碑又曰凡封用綽去碑釋者曰碑桓楹也樹之於壙之前後以紼繞之間之輓轡輓

棺而下之用綽去碑者縱下之時也祭義曰祭之日君牽牲旣入廟門麗於碑賈氏注曰宮廟皆有碑以識日影以知早晚又釋者曰麗繫也謂牽牲入廟繫著中庭碑也或曰以紼貫碑中也聘禮曰賓自碑內聽命又曰東西北上碑南釋者曰宮必有碑所以識日景引陰陽也考是四說則古之所謂碑者乃葬祭饗聘之際所植一大木耳而其字從石者取其堅且久也然未聞勒銘於上者今喪葬以石爲螭首龜趺洎丈尺品秩之制自堯舜夏商周之盛六經所載皆

無刻石之事管子稱無懷氏封泰山刻石紀功者出
自寓言不足傳信又世稱周宣王蒐於岐陽命從臣
刻石今謂之石鼓或曰獵碣泊延陵墓表俚俗目爲
夫子十字碑者其事皆不經見司馬遷著始皇本紀
著其登嶧山上會稽甚詳止言刻石頌德或曰立石
紀頌亦無勒碑之說漢班固有泗水亭長碑文蔡邕
有郭有道陳太丘碑文其文皆有序冠篇末則亂之
以銘未嘗斥碑之材而爲文章之名也士衡未知何
從而得之迨李翱爲高愍女碑羅隱爲三叔碑梅先
生碑則所謂序與銘皆混而不分集列其目亦不復
曰文矣

漢書蒯通善爲長短說又邊通學短長應劭曰短長
術興於六國時長短其語隱謬用相激怒也按張宴
曰蘇秦張儀之謀趣彼爲短歸此爲長蓋戰國策本
名短長書晉袁悅之元禮能長短說甚有精理止持
戰國策言天下要惟此書是也又唐趙蕤有長短經
其義可知也

岐山周篆以形製考之鼓也唐世諸儒以石鼓爲無

所據至謂田獵之碣蓋未知古自有制也歐陽永叔疑此書不見於古逮唐乃得於韓愈韋應物以其文爲雅頌亦恨不得在六經推大著說使學者肄業及之其驚潛動蟄特以其書畫傳爾第愈謂此爲宣王時應物以其本出岐周故爲文王鼓嘗考於古田獵雖歲行之至於天子大蒐徵會諸侯施大命令則非常事也故四王之後以爲絕典然則宣王蒐於岐山不得無所書或史失之其在諸侯國當各有記矣不應遂使後世無傳此其可疑也當漢之時見號奇字

如甄豐輩定作史籀書竇蒙以爲宣王獵碣而我車旣攻我馬旣同張懷瓘以此本車攻詩因考合前說且曰諷畋獵之所作也愈應物其書藉之則有據矣然爲諷爲美知其不得全於文義見也傳曰成有岐陽之蒐杜預謂還歸自奄乃大蒐於岐陽然則此當岐周則成王時矣方楚合諸侯中大蒐注禮者不知宣王嘗狩於岐以合諸侯況小雅所美其地本東都又選車徒無大號令則不得爲盛節古者詩書不嫌同文以此便謂宣王未可信也呂氏紀曰蒼頡造大

篆後世知有科斗書則謂篆爲籀漢制八書有大篆
又有籀書張懷瓘以柱下史始變古文或異謂之爲
篆而籀文蓋以其名自著宣王世史所作也如此論
者是大篆又與籀異則不得以定爲史籀所書叔向
曰昔成王盟諸侯於岐陽楚爲荆蠻置茅蕝當時以
爲重禮故後世不得泯沒宣王蒐岐陽何後世遂無
聞哉方成康與穆賦頌鍾鼎之銘皆番吾之迹然則
岐陽惟成王大會諸侯則此爲番吾可知書言成湯
狩於亳故後世有亳亭宣王狩於敖其在地紀則著
敖亭詩曰選徒於敖其事可以考矣周書紀年於蒐
狩之大皆書則合諸侯而頒大命亦一見於成王此
其可信也

古人以不朽者託之金石然古碑銘見於世者甚尠
暇日閱酈道元水經注因略疏其所記陰山魏高聰
撰講武碑崔浩勒宣時事碑龍門廟祠碑夏陽司馬
子長墓漢陽太守殷濟立祠碑弘農石隄祠銘砥柱
恬漠先生翼神碑洛陽河平侯祠碑首陽山夷齊廟
漢河南尹陳導等立碑黎山碑濮陽鄧艾廟後秦流

州刺史彭超立碑潞陽城南沈州刺史劉岱碑太原
晉都督并州太原成王之碑介子推廟碑介休蔡邕
作郭有道碑宋子浚碑平陽堯廟碑汾水東原臺上
堯神屋碑上谷長史侯相碑茲氏縣魏西河恭王司
馬子盛廟碑敖城石門銘又滎口石門邊韶頌河隄
銘滎陽郡守李勝祠石的銘定陶秦相穰侯魏冉墓
碑丁昭儀墓碑酸棗漢令劉子孟陽碑安民山漢冀州
刺史王紘碑穀城項羽墓碣樂安任照先碑昌邑漢
沈州刺史河東薛崇碑又沈州刺史茂陽楊叔恭碑

尚書右丞沈州刺史東太山成人班子孟堅碑鉅野漢
荊州刺史李剛墓碑鉅野有漢司隸魯恭冢石祠石
廟壁刻書契以來忠臣孝子等形像字記獲嘉漢桂
陽太守趙越墓碑汲縣太公廟晉汲令盧無忌立碑
殷大夫比干冢銘又魏孝文爲比干立墓隧碑沁水
石門銘野王縣孔子廟庭刺史高允立碑河內靜輪
宮祗洹碑脩縣長魯國孔明碑銅鞮李熹墓碑鄴縣
西門豹祠碑鉅鹿光武銅馬祠漳河神壇碑安平漢
冀州從事趙徵碑魏冀州刺史丁紹碑獻帝南巡碑

高氏山石銘靈山御射石碑曲陽恒山廟碑漢上谷
太守議郎張平仲碑廣昌縣後魏太延御射碑吳太
子子郎山碑又觸鋒將軍廣南廟碑涿縣晉康王碑
范陽王司馬彪廟碑桑乾永固堂碑平城魏郊天壇
碑太和殿階下碑廣陽魏征南將軍建城鄉景侯劉
靖碑潞縣有劉靖造戾陵遏碑濡水燕元璽元年將
軍步渾治盧龍道銘洛陽周冢碑緱氏司空密陵光
侯鄭廟碑晉城門校尉昌原恭侯鄭仲林碑九山廟
碑百蟲將軍顯靈碑琅邪太守潘茈墓碑子給事黃

門侍郎潘岳墓碑大石嶺後漢河南隱士通明立山
堂碑伊闕魏黃初左壁銘右壁永康五年河南府尹
開石銘梓澤裴氏墓碑瀍水晉真人帛仲理墓碑弘
農魏將作大匠毋丘興盛墓碑千金塢石人腹上勒
記洛陽魏黃初茅茨堂碑漢上東門橋石柱銘望先
寺碑太學漢靈帝刻五經石碑門外蔡邕刊定六經
碑又魏正始立古篆隸三字石經碑魏文帝典論碑
太學贊碑又陽嘉八年修太學碑晉太始辟雍行禮
碑漢廣野君酈食其廟碑郁夷縣漢邠州刺史趙融

碑渭水太公廟碑長安魏雍州刺史郭淮碑華岳廟
後漢光和四年鄭縣令河東裴畢立碑華陰張昺華
岳碑漢文帝廟漢鎮遠將軍段熲修祠碑漢給事黃
門侍郎張昺自書碑又太康八年碑永興元年碑平
阿侯王譚墓碑漢京兆尹司馬文預碑槐里安定梁
嚴冢碑劍閣張載銘南鄉縣晉順陽太守丁穆碑葉
縣葉公子高諸梁廟魏正始中長陳晞立碑汝南張
明府祠碑新蔡青陂廟碑因始孫叔敖碑平陽侯相
蔡昭冢碑繁昌魏受禪六字生金碑項城魏刺史賈

達祠廟碑密縣漢弘農太守張德冢廟碑陳縣漢相
王君造四縣邸碑扶溝漢司徒袁滂碑蜀郡太守袁
騰碑博平令袁光碑晉中散大夫胡均碑漢溫令許
續碑漢尚書令虞詡碑柘縣柘令許君清德頌漢光
和陽種令許叔臺碑漢樂成陵令太尉掾許嬰碑苦
縣老子廟漢桓帝令陳相邊韶作碑孔子廟陳相魯
國孔疇建碑李母冢譙令長河王阜立碑譙縣漢中
常侍長樂太僕特進費亭侯曹嵩碑漢潁川太守曹
騰冢碑漢長水校尉曹熾冢碑漢謁者曹胤碑魏文

帝故宅前壇大饗碑譙定王司馬士會冢碑漢幽州
刺史朱龜墓碑山桑邑山桑侯文欽立碑文穆冢碑
睢陽漢熹平君墓碑漢太傅掾橋載墓碑蒙城國相
東萊王璋立仙人王子喬碑獲水漢故繹幕令匡碑
徐州楚相漢司徒袁安碑楚相魏中郎徐庶碑陳留
漢雍丘令董生立廣野君酈食其碑鄆縣單父令楊
彥碑尚書郎楊禪碑睢陽晉太康九年梁王妃王氏
陵碑漢太尉橋玄墓三碑豫州從事皇毓碑臨睢長
左馮翊王君碑成陽堯陵成陽令管遵立碑伍員祠

碑羸縣季札子冢漢末奉高令立石銘無鹽縣東平
憲王蒼冢碑曲阜孔林碑魯相陳君立有道兒君碑
孔子廟漢魏以來七碑嶧山秦丞相李斯大篆勒銘
湖陸度尚碑沛縣漢高祖廟碑泗水亭高廟碑泗水
龔勝墓碣下邳司馬石苞鎮東將軍胡質司徒王渾
監軍石崇四碑下相漢太尉陳球墓弟子管寧華歆
立碑稷下梧宮臺石杜碑朱虛縣魏獨行君子管寧
墓碑徵士邴原冢碑誌漢青州刺史孫嵩墓碑琅邪
山秦始皇紀功德碑高密漢司農卿鄭康成冢碑安

陽唐公祠碑沔縣北山鄒恢碑方山杜元凱碑襄陽
晉太傅羊祜碑鎮南將軍杜預碑安南將軍劉儼碑
樊城曹仁記水碑峴山有桓宣碑羊祜墮淚碑征南
將軍胡罷碑征西將軍周訪碑宜城漢南陽太守秦
頡墓碑冠蓋里刻石銘金城南門古碑武當縣華君
銘陰縣魏縣令濟南劉熹碑闕林山銘郭先生輔碑
沔水襄陽太守胡烈碑冠軍縣漢太尉長史邑人張
敏碑魏征南軍司張詹墓碑涅陽左伯桃碑平氏縣
南陽都鄉正街彈勸碑新野漢日南太守胡著碑湖

陽樊重碑若令樊萌碑中常侍樊安碑復陽淮源廟
南陽郭苞立碑新息長賈彪廟碑魏汝南太守程堯
碑贛榆山秦始皇碑魯陽漢杜仲長彭山碑漢安邑
長尹儉墓碑渚水漢中常侍長樂太僕吉侯苞冢碑
鄂縣崔瑗作張平子墓碑文魏車騎將軍黃權冢碑
宛城范蠡祠碑八公山淮南王廟齊永明十年立碑
宋司空劉劭廟碑華容交阯太守胡寵墓碑西戎令
范尹之墓碑符縣女光終孝誠碑枝山荊州刺史陳
留王子香祠石銘江夏晉征南將軍荊州刺史胡奮

言明 卷之十三
碑平南將軍王世將記征杜曾事石刻林邑夷書前
王胡達碑冷道縣舜廟零陵太守徐儉立碑汨羅屈
原廟碑漢南太守程堅碑南昌徐孺子墓太守南陽
謝景立碑廬山上霄峯大禹刻石紀功碑餘杭顧颺
碑范甯碑稽山秦始皇命李斯篆紀功石碑上虞縣
令度尚使邯鄲淳作曹娥碑右此諸碑碣其見存於
世不過百之一二耳之杲之蹟徒侈雄心漢水之沉
莫徵遺勒永言千載能不依然乃知石有時泐名常
不朽士之所重厥有在矣

張敦頤記六朝事蹟末有碑刻一門所載者吳孫皓
封禪碑在宜興天璽二段石碑皇象書西平靖侯顏
公大宗碑又平西靖侯顏府君碑俱顏真卿書在府
學晉竺使君銘又頌俱在張陣湖宋謝濤夫人王氏
墓記在土山淨名寺齊侍中巴東獻武公碑在黃城
村梁始興忠武王碑徐勉造貝義淵書在黃城村梁
安成康王碑劉孝綽撰貝義淵書在清風鄉甘家巷
梁永陽昭王墓志銘徐勉造梁永陽敬太妃墓志銘
徐勉造俱在清風鄉梁臨川靖惠王神道碑在北城

鄉梁侍中吳平忠侯蕭公神道碑在清風鄉花林村
梁建安敏侯神道碑在鳳城鄉淳化鎮西梁上清真
人許長史舊館壇碑陶弘景撰并書在茅山玉晨觀
陳江總棲霞寺碑在攝山陳宮井闌題刻在法寶寺
西隋平陳碑薛道衡撰文虞世南書在石頭城西明
徵君碑唐高宗撰高正臣書在攝山栖霞寺大唐栖
霞寺齋會記大唐寺栖霞寺律大師碑大唐重建開
善寺記在蔣山寺大唐玉清觀四等碑陶巨莊書在
崇禮鄉玉清觀墓上大唐沈傳師齋疏南唐徐鉉題

名在攝山千佛嶺大唐王法主碑劉禕之文在茅山
崇玄觀大唐紫陽觀碑徐鉉文楊元鼎書唐玄靖先
生李含光碑顏真卿撰并書大唐遙傷茅山孫尊師
詩李德裕述裴質方書大唐三洞景昭大法師韋君
碑陸長源文竇泉書并篆額大唐下泊官記王師簡
文段令緯篆額大唐許真人井銘徐鉉文并書以上
俱在茅山玉晨觀大唐白鶴廟記柳識文劉鳴素書
在鴻禧院大唐義女碑李白文在溧陽縣偽吳興化
院徐溫銅鐘鑄文在丹陽鄉香林寺偽吳釘石鑄文

在靖安鎮南唐方山寶華宮碑南唐洞玄觀請鍾記
南唐寶華宮功德什物記以上俱在方山南唐李順
公神道碑高越書南唐張懿公神道碑朱銑書俱在
石頭城北南唐蔣莊武帝廟碑徐鉉撰朱銑書在蔣
廟門外南唐易夫人墓志額在土山南唐李後主祭
悟空禪師文并親書德慶堂三字在清涼寺南唐開
善寺井記在蔣山寺南唐義井闌刻在石城後七里
舖南唐僧用虛題栖霞寺詩在千佛嶺景德栖霞寺
殿記高陟撰在本寺景祐重造蔣廟碑陵陽景撰惠
烈廟記曹熙立蔣廟篆祭文蔣堂文郜必篆以上俱
在蔣廟道光泉記王安國撰八功德水記梅摯撰大
平興國寺莊田記俱在蔣山蕭帝寺記元絳撰在法
光寺一名鹿苑寺子隱堂記梅摯撰在法光寺白雲
菴記王安國撰在栖霞寺宋齊丘鳳皇臺詩刻在保
寧寺溧水長潘元卓校官碑在溧水縣

身

說略卷之十四

典述下

江寧顧起元太初輯曰

道書以一卷為一弓音周與軸通陶九成說郭用之
佛書以一條為一則洪景盧容齋隨筆史繩祖學齋
佔畢用之佛典又云多羅樹葉書凡有二百四十縛
縛古絹字亦借為卷也

宋史藝文志云周顯德中始有經籍刻板沈括夢溪
筆談以為始於馮道奏鏤五經是後唐時事柳玘訓

序又云常在蜀時書肆中閱印板小學書則印板非始於五代矣意其唐時不過少有一二至五代刻五經後始盛宋則羣集皆有也

世稱善歌者曰郢人郢州至今有白雪樓此乃因宋玉問客有歌於郢中者其始曰下里巴人次爲陽阿薤露又爲陽春白雪引商刻羽雜以流徵遂謂郢人善歌殊不考其義其曰客有歌於郢中者則歌者非郢人也襄陽耆舊傳雖云楚有善歌者歌陽菱白露朝日魚麗和之者不過數人復無陽春白雪之名又

今郢州本謂之北郢亦非古之楚都或曰楚都在今宜城界中有故墟尚在亦不然也此郢也非郢也據左傳楚成王使鬬宜申爲商公泂漢渡江將入郢王在渚宮下見之泂漢至於夏口然後渡江則郢當在江上不在漢上也又在渚宮見之則渚宮蓋在郢也楚始都丹陽在今枝江文王遷郢昭王遷鄢皆在今江陵境中杜預注左傳云楚國今南郡江陵縣北紀南城也謝靈運鄴中集詩云南登宛郢城今江陵北十二里有紀南城卽古之郢都也又謂之南郢

史記周紀武王曰夷羊在牧蜚鴻滿野徐廣曰夷羊怪物也蜚鴻蟻蠓也張守節曰夷羊一本作麋鹿喻小人在朝也飛鴻喻君子放棄鄭玄曰蜚鴻鴻鴈也知避陰陽寒暑喻民去無道就有道按三說皆如眯目而道黑白者詳此文據實事言非喻也紂有鹿臺以養鹿故曰麋鹿而棄良馬故曰麋鹿在牧飛鴻滿野言其養無用而害有用也

楊子五百篇論孔子因女樂去魯曰不聽政諫不用雉噫注雉噫猶歌歎之聲梁鴻五噫之類也琴操曰季桓子受齊女樂又不致膳俎於大夫孔子遂行師已送之曰夫子則非罪也孔子曰吾歌可乎歌曰彼婦之口可以出走彼婦之謁可以死敗優哉游哉聊以卒歲此卽雉噫之歌也衝波傳云孔子相魯齊人懼而欲敗其政選齊國好女八十人皆衣文衣而舞容璣季桓子語魯君爲周道游館孔子乃行覩雉之飛鳴嘆曰山梁雌雉時哉時哉色斯舉矣翔而後集因爲雉噫之歌曰彼婦之口可以出奏彼婦之謁可以死北優哉游哉聊以卒歲楊子所云雉噫者指此

唐人學宮碑文云聆鳳衰於南楚歌雉噫於東魯亦用楊子之語也今本無雉字故詳具之

秦詛楚文有九湫大沉之語沉之爲義世多未解按說文曰沉濁默也莊子沉有漏注沉水汚也漢書刑法志山川沉斥應劭風俗通曰沉莽也言其平望莽莽無涯際也郭緣生述征記鳥當沉中有九十臺皆生結蒲秦王繫馬蟠蒲也自注齊人謂湖曰沉顏師古曰沉謂居深水之下深而又深也古云沉潛又云沉溺沉湎又云默而好深沉之思皆取深而又深之

意北方謂水皆曰沉不獨齊語爲然蓋北之言沉南之言潭也故沉亦音潭史記陳涉世家涉之爲王沉沉者應劭曰沉沉宮室深邃之貌長含反當呼爲潭潭也韓退之潭潭府中居正用此語又按管子夏人之王鑿二十亩渫十七湛注湛卽沉沛之沉大澤巨浸也是潭與湛字雖不同義可互證故併引之

漢高帝定天下剖符封功臣刑白馬而盟曰使黃河如帶泰山若礪國以永存爰及苗裔帶衣帶也礪礪石也言設使河微而如帶石泐而如礪盟不可改也

讀者多失其義宋制羣臣佩金魚其文曰忠曰孝曰清曰慎如黃河之深若泰山之礪咨爾無渝此盟是直以礪為堅固之義矣

相如上林賦郁郁菲菲衆香發越𦍋𦍋布寫帷蓼𦍋𦍋司馬彪曰𦍋過也芬芳之過若𦍋之布寫也說文𦍋知聲蟲也爾雅圓貉蟲𦍋郭璞云蝻蟲廣雅土蝻也毛晃曰古𦍋字作向晉大夫羊舌𦍋字叔向左傳釋文香兩切取𦍋向布寫之義又揚雄羽獵賦𦍋𦍋如神李善曰𦍋𦍋疾也𦍋與𦍋同𦍋與忽同又甘泉

賦薈𦍋𦍋以棍根又劉歆賦芳𦍋𦍋之依斐則𦍋𦍋蓋古語也

上林賦扈從橫行出於四校之中師古曰言其跋扈縱恣而行出於校之四外也非是蓋扈尾也後從曰扈故侍從天子曰扈從今逐獸橫行故言出於四校之中若言跋扈則強梁也詩疏云凶橫自恣陵人之貌漢書音義云自大也其非臣子侍從之義明矣潘輿事今將母者通用之而不知潘以石崇事見法其母固同與其禍也及瓜事今以為得代之期而不

知瓜期不得代連稱管至父繇此爲亂也含鷄舌香
乃侍中刁存以年老口臭令舍之墓碑生金在賈梁
道廟以爲晉中興之兆而庾氏爲滅族之候俱不爲
佳事也

三國典略曰蕭明與王僧辨書凡諸部曲竝使招攜
赴投戎行前後雲集霜戈電戟無非武庫之兵龍甲
犀渠皆是雲臺之仗唐王勃滕王閣序紫電清霜王
將軍之武庫正用此

吳曾漫錄曰律有唐突之罪按馬融長笛賦犇遁碣
突注徒郎切以唐爲碣李白赤壁歌鯨鯢唐突留餘
跡劉禹錫詩瓦礫來唐突此唐突字魏曹子建牛鬪
詩行彼土山頭歛起相搪突見太平廣記按碣搪唐
三字不同皆一意爾東漢陳羣曰蕪菁唐突人參在
諸人之先正用此唐字若引曹子建詩用搪突字則
魏志子建謂韓宣豈應唐突列侯又用此唐字矣晉
人無鹽唐突西子之語乃用漢人之意豈但見於唐
人劉李二公而已漢碑有乘虛唐突孔融傳有唐突

宮掖

苑各

卷之十四

五

古人文章自應律度未以音韻為主自沈約增崇韻學其論文則曰欲使宮羽相變低昂殊節若前有浮聲則後須切響一簡之內音韻盡殊兩句之中輕重悉異妙達此旨始可言文自後浮巧之語體制漸多如傍犯蹉對假對雙聲疊韻之類詩又有正格偏格類例極多故有三十四格十九圖四聲八病之類今略舉數事如徐陵云陪遊馭娑騁纖腰於結風長樂鴛鴦奏新聲於度曲又云厭長樂之疎鍾勞中宮之緩箭雖兩長樂意義不同不為重複此類為傍犯如

九歌蕙殺蒸兮蘭藉奠桂酒兮椒漿當曰蒸蕙殺對奠桂酒今倒用之謂之蹉對如自朱耶之狼狽致赤子之流離不唯赤對朱耶對子兼狼狽流離乃獸名對鳥名又如厨人具鷄黍稚子摘楊梅以鷄對楊如此之類皆為假對如幾家村草裏吹唱隔江聞幾家村草對吹唱隔江皆雙聲如月影侵簪冷江光逼履清侵簪逼履皆疊韻詩第二字側入謂之正格如鳳曆軒轅紀龍飛四十春之類第二字平入謂之偏格如四更山吐月殘夜水明樓之類唐名賢輩詩多用

正格如杜甫律詩用偏格者十無一二也

常見人作詩者有云高臥元龍百尺樓意謂陳元龍有登樓事也按世說許汜與劉玄德並在劉荊州坐共論人物許曰陳元龍淮海之士豪氣不除玄德問許君言豪寧有事耶許曰昔遭亂過下邳見元龍無客主之意不相與語自上大牀臥使客臥下牀玄德曰君有國士之名今四海橫流帝王失所而無救世之意求田問舍言無可採是元龍所諱也何緣當與君語如我自臥百尺樓上臥君於地下何但上下牀

之間哉是百尺樓上臥乃玄德自謂非陳登事也

應璩百一詩凡有五首今止存一百一之義五臣注引文章錄云曹爽多違法應璩作詩以刺在位若百分有補於一者然考張方楚國先賢傳曰應休璉作百一詩譏切時事徧以示在位者皆怪愕獨何晏無怪也李充翰林論曰應休璉作五言詩百數十篇有詩人之旨孫盛晉陽秋曰應璩作詩百三十篇言時事頗有補益七志曰應璩謂之新詩以百言爲一篇謂之百一詩樂府廣題曰百者數之始十有百行終

始如一故云百一百一詩序曰時謂曹爽曰公今聞周公巍巍之稱安知百慮有一失乎唐藝文志應璩有百一詩八卷鍾嶸詩品謂應璩詩祖魏文善指事得激刺之旨

劉越石四美謂音以賞奏味以殊珍文以明言言以暢神故其詩曰之子之往四美不臻王勃滕王閣記四美具謂良辰美景賞心樂事也又韓愈贈別元九八協律詩子今四美具謂讀書患不多思義患不明患足已不學既學患不行也

指雲思親乃陸機事今人但知始於狄仁傑也士衡仕洛而親在華亭故其思親賦有云指南雲而寄歎望歸風而效誠是也後梁公仕并州法曹親在河陽登太行山反顧白雲孤飛曰吾親舍其下又江總詩心逐南雲去杜甫詩江東日暮雲又憶弟看雲白日眠是東雲南雲看雲亦可施之兄弟朋友也

劉貢父詩話云曹參曾爲漢功曹而杜詩云功曹非復漢蕭何誤矣按曹參亦未爲功曹子美自用孫策語耳吳虞翻爲孫策功曹策曰孤有征討未得還府

說文 卷之十四 九
卿復以功曹爲吾蕭何守會稽耳廣德元年子美在梓州補京兆府功曹故以自況三國志旣非僻書貢父乃未之見而輕詆子美何邪

柳子厚以天地爲殼櫝人多未詳按字訓云殼日出之色櫝日入之色殼字見說文櫝音柳周禮衣斐柳之材註柳之爲言聚也諸飾之所聚尚書分命和仲度西曰柳谷故書斐柳作接櫝鄭司農云接讀爲盪櫝讀爲柳柳者諸色所聚日將沒其色兼有餘色故云柳谷

唐小說記紅葉事凡四其一本事詩顧況在洛乘間與一二詩友遊苑中流水上得大梧葉題詩云一入深宮裏年年不見春聊題一片葉寄與有情人況明日於上流亦題云愁見鶯啼柳絮飛上陽宮女斷腸時君恩不禁東流水紅葉題詩寄與誰後十餘日有客來禁中又於葉上得詩以示況曰一葉題詩出禁城誰人酬和獨含情自嗟不及波中葉蕩漾乘春取次行又明皇代以楊妃虢國寵盛宮娥皆衰悴不願備掖庭嘗書落葉隨御溝水流云舊寵悲秋扇新

恩寄早春聊題一片葉將寄接流人顧況得而和之
既達聖聽遣出禁內人不少或有五使之號況所和
卽前四句也其二雲溪友議盧渥舍人應舉之歲偶
臨御溝見紅葉上有詩云流水何太急深宮盡日閑
殷勤謝紅葉好去到人間其三北夢瑣言進士李茵
遊苑中見紅葉自御溝流出上有題詩與盧渥詩同
其四玉溪編事侯繼圖秋日於大慈寺倚闌樓上忽
木葉飄墜上有詩曰拭翠斂愁蛾爲鬱心中事搦筆
下庭除書作相思字此字不書名此字不書紙書向

秋葉上願逐秋風起天下有心人盡解相思死按後
當別爲一事前三則本一人一事而傳記者各異耳
劉斧青瑣中有溝流紅葉記最爲鄙妄蓋竊取前說
而易其名爲于祐右宋龐元英談藪所記然陸務觀
侍兒小名錄又載前一詩云貞元中進士賈全虛黜
於春官臨御溝得葉悲想其人涕泗交墜不能離溝
上街吏頗疑其事金吾奏其實德宗亦爲感動令中
人細詢之乃翠筠宮奉恩院王才人養女鳳兒者詰
其由云臨水折花偶爲宮恩請死德宗惻然召全虛

授金吾衛兵曹以鳳兒賜之并其院貲皆畀焉其詩後二句作題詩花葉上寄與接流人按此又非顧況事然其名賈全虛或是烏有子虛亡是之類後人假撰名姓耳

東坡老饕賦蓋文章之遊戲耳按左氏縉雲氏有不才子貪於飲食冒於貨賄侵欲崇侈不可盈厭聚斂積實不知紀極不分孤寡不恤窮匱天下之人以比二凶謂之饕餮又許氏說文曰貪財爲饕貪食爲餮然則東坡之賦當作老饕也

小說云東坡用事雖爛熟亦檢看然誤處政自不少號國夫人夜遊圖云當時亦嘆潘麗華不知門外韓擒虎按陳後主張貴妃名麗華韓擒虎平陳後主麗華俱見收而齊東昏侯有潘淑妃初不名麗華也梅花絕句云月地雲階漫一尊玉奴終不負東昏臨春結綺荒荆棘誰信幽香是返魂此亦張麗華事而坡作東昏侯用之又玉奴絃索花奴手花奴指汝陽王璉而以玉奴爲楊妃又戾於前詩矣又全勝倉公飲上池史記飲上池見扁鵲傳而以爲倉公可乎又不

向如臯閒射雉歸來何以得卿卿左傳御以如臯如
訓往也非地名曰如臯又詩云獨憐司馬能饒石餘
有中郎解摸金出袁紹檄曹操云發丘中郎將摸金
校尉摸金非中郎也又登徐州戲馬臺詩路失玉鈎
芳草合林亡白鶴野泉清廣陵亦有戲馬臺下有路
號玉鈎斜非徐州事也又市區收罷魚豚稅來與彌
陀共一龕攷楮遂良與人書云一食清齋彌勒同龕
非彌陀事也又代人留別詩絳蠟燒殘玉笋飛雅歌
唱徹萬行啼他年一舸鴟夷去應記儂家舊姓西按

太平寰宇記載西施事施其姓也是時有東施家西
施家李太白效古云自古有秀色西施與東鄰是也
乃以爲姓西又石建方欣洗踰廁姜龐不解嘆咿噉
漢書本作厠踰蓋中衣也二字亦不應倒用

按鄭嶠
津陽門

詩玉奴琵琶龍香撥倚歌促酒聲嬌悲注云玉奴乃
太真小字也又周秦行紀亦以玉奴爲太真名然則
呼太真爲玉奴東坡亦自有所本矣又梅花詩首二
句乃用周秦行紀中事後二句別是一意然潘妃自
名玉兒非
玉奴也

文人所作詩句所用事往往有與原記故實詞意相
背者不必拘拘盡合如阮籍登廣武歎曰時無英雄

使豎子成名傷時無劉項使名歸司馬氏也太白詩
沉醉呼豎子往言非至公則謂豎子爲沛公天幸者
霍去病右丞詩衛青不敗由天幸則誤以爲衛青放
覺本秦西巴孟孫氏之臣陳子昂詩吾聞中山相乃
屬放麇翁則誤謂之中山顏延年一麾出守麾言去
耳杜牧之詩欲把一麾江海去則誤以爲旌麾左傳
詰朝相見謂明早也宋之問紫禁仙輿詰旦來李迥
秀詰旦重門聞警蹕則以詰旦爲今日裴秀冀州記
緱氏仙人廟者昔王僑爲柏人令於此登仙許渾詩
王子求仙月滿臺又可憐緱顛登仙子猶自吹笙醉
碧桃則以王僑爲王子喬矣

李于鱗憲使賦朱司空新河詩一聯云春流無恙桃
花水秋色依然瓠子宮不知者以爲上單下重宛委
編云按闕駟九州記三月水謂之桃花水爲害極大
此聯不唯對偶精切而使事用意之妙有不可言者
按此之所引故有據然猶未盡得李意也按漢杜欽
議治河言來春桃華水盛必羨溢大司馬張仲議河
曰河水濁清澄一石水六斗泥而民兢引河漑田今

河不通利至三月桃華水至則河決以其噎不洩也
李意本出此方爲精切耳

古書不可妄改聊舉二端如曹子建名都篇膾鯉膾
胎蝦寒鱉炙熊膳此舊本也五臣妄改作包鼈蓋包
鼈膾鯉毛詩舊句淺識者孰不以爲寒字誤而從包
字邪不思寒與包字形相遠音呼又別何得誤至於
此文選李善注云今之時餉謂之寒蓋韓國饌用此
法鹽鐵論羊淹鷄寒崔駰傳亦有鷄寒曹植文寒鷓
蒸麇劉熙釋名韓鷄爲正古字寒與韓通也王維老

將行恥令越甲鳴吾君此舊本也近刻本爲不知者
改作吾軍蓋越甲吳軍似是連對不思前韻已有詔
書五道出將軍五言古詩有用重韻未聞七言有重
韻也維豈謬至此邪按劉向說苑越甲至齊雍門狄
請死之曰昔者王田於囿左轂鳴君左請死之曰吾
見其鳴吾君也今越甲至其鳴君豈左轂之下哉正
其事也

沈休文久處端揆有志台司與徐勉最善乃以書陳
情於勉其略謂今歲開元禮年云至懸車之請事由

恩奪又外觀傍覽尚似全人而形骸力用不相綜攝
常須過自束持方可僂俛解衣一臥支體不復相關
上熱下冷月增日篤取煖則煩加寒必利後差不及
前差後劇必甚前劇百日數旬革帶常應移孔以手
握臂率計月小半分以此推算豈能支久若此不休
日復一日將貽聖主不追之恨冒言表聞乞歸老之
秩若天假其年還得平健才力所堪惟恩是策勉爲
言於高祖請三司之儀不許但加鼓吹而已是休文
一衰病老公不知止足者也大是殺風景事而後世
因瘦腰一語誤入詞調呼之爲沈郎又以爲風流之
症極大可笑也

遯齋閒覽謂王右軍蘭亭序以天朗氣清自是秋景
以此不入選又謂絲竹筦絃亦重複余謂不然絲竹
筦絃本出前漢張禹傳而三春之季天氣肅清見蔡
邕終南山賦熙春寒往微雨新晴六合清朗見潘安
仁閒居賦仲春令月時和氣清見張平子歸田賦右
軍故自有所本也

漫錄謂楊修答臨淄侯箋末曰造次不能宣備書尾

用不宣始此按漢高祖初定天下諸侯王上疏未云
大王功德著於後世不宣昧死再拜此正不宣語之
所從出又謂自唐以來爲墓志必先有行狀蓋南朝
以來已有行狀如梁江淹之作是也按吳志周條等
甄別行狀上疏云云此行狀之名所由始也

韶可以爲禹樂史記禹與九韶之樂是也三王亦得
稱帝史記夏紀帝桀是也獻俘不獨人也物皆可以
爲俘俘取也書云俘厥寶玉是也丐不止於自乞也
與人亦可稱丐前漢廣川王越傳盡取善繒丐諸宮

人注丐遺也賄不獨賂也賜皆可以爲賄書賄肅慎
之命是也診不止脉也視物皆可以爲診後漢王喬
傳尚方診視舄是也餉不止飲食也贈皆可以爲餉
魏文紀注以詩賦餉孫權梁簡文帝有答南平王餉
舞簞啓徐孝穆有答餉鏡詩是也城邑亦可謂之幣
趙世家馮亭以城市邑十七幣吾國是也稱譽亦可
謂之薦伯夷傳七十子之徒仲尼獨薦顏淵爲好學
是也

龍不獨以譬君德凡有德者皆可以龍言也諸葛亮

嵇康皆號臥龍蔡邕號酒龍孔融薦禰衡云龍躍天衢袁宏贊武侯云初九龍盤雅志彌確樊英傳注安帝徵隱士策文云使難進易退之人龍潛不屈陰興謂貴人曰亢龍有悔以譬外戚之象又如魏華歆管寧邴原三人爲一龍賈會里中號一龍許劭許虔汝南平輿音預人謝甄稱平輿之淵有二龍焉唐烏承玘與兄承恩人號轅門二龍又如程明道詩以呂晦叔司馬君實爲二龍又劉岱山劉繇齊柳悅柳惔南唐徐鉉徐鍇皆號二龍蜀李朝兄弟三人號李氏三龍李

修四子亮叔訓秀房諶四子豫坦邃熙皆號四龍汝南先賢傳曰周燕五子子輿子羽子仲子明子良公沙穆五子紹孚恪達樊宋張裕五子演鏡永辯岱涼辛氏鑿曠攀寶迅晉索靖汜衷張魁索紛索永濟北汜昭戴邴徐晏夏隱劉彬皆號五龍卞粹兄弟六人溫恭兄弟六人皆號六龍陸徵兄弟七人崔徵兄弟七人皆號七龍荀淑子八人儉緄靖燾汪爽肅粵唐崔頰生八子伏羲兄弟八人皆號八龍後魏崔長瑜子樞等九人北齊王昕母生九子皆醞藉皆號九龍

魏張魯有十子儒雅溫恭號十龍然則龍不止比君德矣

文王可以為文君張衡賦文君為我端著是也北狄可以為蠻史記匈奴傳獫狁暈粥居於北蠻又大雅韓奕曰因時百蠻其追其貊奄受北國是也二典可以為謨馬融曰曼擊鳴球載於虞謨是也堯典亦可謂之唐書吳陸抗傳靜言庸違唐書攸戒是也

晉書云王衍口不言錢晨起見錢堆床前曰阿堵近世不解此遂謂錢曰阿堵可笑晉人云阿堵猶唐人曰若箇今日這箇也故殷浩看佛經曰理亦應在阿堵中顧長康傳神曰精神妙處正在阿堵中謝安謂桓溫曰明公何用壁後置阿堵輩是也凡觀一代書須曉一代語觀一方書須通一方之言也

古人多以韻語紀物今彙書之如火浣之布入火不滅布則火色垢則布色出火而振之皎然疑乎雪周書

說火浣布日南有野女羣行不見夫其狀晶且白徧體無

衣襦唐蒙博物記三廉大實實不但三雖名三廉其實四五枚食之

多汁味酸且甘藏之尤好與眾果參陳祁暢異物志萃之依

水猶卉植地靡見其布漠爾鱗被物有常性孰知所

自郭子玄 鱖似蛤句 有鱗無殼一面附石叶音 細孔

雜雜或七或八郭璞爾雅贊 曰州留者其實水牛蒼毛豕

身角若擔矛衛護其犢與虎為讎鬱林異物志 象之為獸

形體特詭身倍數牛目不逾豕鼻為口役望頭若尾

馴良承教聽言則跪素牙玉潔載籍所美服重致遠

行如丘徙萬震象贊 烏鰂八足集足在口縮喙在腹形類

鞋囊其名烏鰂喻波濊墨迷射水慝萬震海物異名記 海蛤

魁陸瓦瓏鑛殼外眉內渠形摯渾朴萬震南州志贊 海曲蠃

房或名蠓山眉渠磊砢牡牝異斑肉曰蠃黃醴味海

蠻南州志 合浦之人習水善浮挽視層巖如猿仰株入

如沉鼈出如輕鳧蹲泥剖蚌潛竊明珠萬震南州異物志 江

瑤柱厥甲美如瑤玉肉柱膚寸名江瑤柱萬震海物異名 獸

曰玄犀處自林麓食惟棘刺體兼五肉或有神異表

露以用含精吐烈望如華燭置之荒野禽獸莫觸萬震

贊犀 神丘有火穴光景照千里昆侖有弱水鴻毛不能

起玄中記 一跳八尺兩跳丈六從春至夏裸袒相逐風俗

記海 陵龍之體黃身四足形短尾長有鱗無角南越

覽各

海人嘉羞見逐

臨海水土志本贊

復引一索飛絙棧閣其名

曰竿人懸半空度彼絕壑

李膺竿橋贊

高山峩峩巖石磊

落傾側縈迴下臨峭壑行者扳緣牽援帶索

袁崧山川記

榑溪赤木盤蛇七曲盤羊烏櫛氣與天通看都護泚

住柱呼尹庖降賈子老擔七里

酈道元水經注

鰕實四足而

有魚名頭尾類鯢岐岐而行長生山澗出入沉浮云

是嬾婦怨懟自投

異物志鰕魚贊

海魚無鱗形類琵琶一名

樂魚其名亦嘉聞奇出聽曾識瓠巴

沈懷遠贊

含光之魚

臨海郡育南人鬻炙雖美而毒煎燂已乾耀夜如燭

沈懷遠含光魚

蚘惟大蚘既洪且長采色駁犖其文錦章食

灰吞鹿腴成養創賓饗嘉食是豆是觴

南齊志蚘蛇贊

鮫之

為魚其子既育驚必歸母還入其腹小則如之大則

不復

楊孚交州異物志

鼓翮十運一翼翮翻厥名如鵲鱗在

尾端

郭璞鰓魚贊

形如覆鈔包玉含珠有而不積泄以尾

間闈與道會可謂奇魚

郭璞文魮贊

寧去累世宅不去鰓

魚額

古彥

古呼米麵為屈劉孝威謝官賜交州米麵四百屈食為頭晉元帝謝賜功德淨饌一頭又謝賚功德食一

頭又劉孝威謝賜果食一頭魚爲蚪梁科律生魚若
干蚪茗爲薄爲夾溫州貢茗二百尺薄又梁科律薄
茗干夾筆爲雙爲床爲枝漢蔡質官儀曰尚書令僕
丞郎月賜赤管大筆一雙搜神記益州西神祠祈禱
者持一雙筆南朝呼筆四管爲一床梁簡文帝答書
云乍置筆床又云寫書筆一枝一萬字墨爲螺爲丸
爲枚陸雲書送墨二螺梁科律御墨一量十二丸蔡
質漢官儀曰尚書令僕丞郎月賜喻糜大墨一枚小
墨一枚紙爲番王羲之有紙二百番又紙爲墮陳後

主施光宅寺中藤紙一墮錦爲兩王佐云幣錦二兩
衣爲裁陸陞謝安城王楚越衣二裁沈約有謝葛衫
一裁啓袈裟爲緣簡文帝云蒙惠袈裟一緣裙爲腰
隋晉王施智者大師鬱泥綠布裙一腰又賜紫紵靴
一量烏皮履一量奴爲頭簡文帝書言安城王餉奴
子一頭麝爲子蠟爲麤宋史有云麝香如干子蠟如
干麤齊建武四年事檳榔爲口胡桃爲子陸陞謝安
城王賜檳榔一千口胡桃一千子案爐爲面佛像爲
軀陳少主施瓦官禪師闕寶樓於案一面虎面香爐

一面真金像一軀燭爲挺少主沈后送大師燭十挺
相人之法古矣而物無不可相史云黃魯直陳君夫
相犬留長孺相彘榮陽褚氏相牛呂覽又記古有善
相馬者寒風氏相口齒麻胡相頰女厲相目衛忌相
鬚許鄙相尻代羯相胸脇管青相臆脇陳悲相股脚
秦牙相前君贊相後於獸相馬人可知矣昭德讀書
志列伯樂相馬經浮丘伯相鶴經甯戚相牛經鄭氏
通志又加以周穆王相鶴經諸葛頻徐成相馬經高
堂隆相牛經淮南八公相鵠經相鴨經相鷄經相鵝

經不惟是也凡物皆然故自西都藝文之目已著相
人相寶劔刀相六畜班孟堅謂形人及六畜骨法之
度數器物之形容以求其聲氣貴賤吉凶要其術如
是而已世代相傳當有存者陳氏書曰相貝經未詳
何書緯略云師曠有禽經浮丘伯相鶴經雖六畜亦
有牛經馬經狗經下至蟲魚有龜經魚經唯朱仲所
傳貝經怪奇豈卽相貝經歟或述其名類而謂相也
緯略又舉東方朔相笏經袁天綱郭仙笏經陳混常
相笏經今古相手板經笏亦驗人禍福也宋有庾道

敏者善相手板齊綦母珍之在州時有一手板相者
云富貴又吳曾漫錄引陸長源辨疑志載唐天寶中
有李旺稱善相笏驗以事卒皆無驗以爲不可槩論
遂記開寶末聶長史相水丘岫三笏一王侯笏生人
不當乘一宰相笏一卿監笏亦爲節度使而非真後
一歸錢武肅祠堂一歸沈相一歸錢昭晏以衛尉卿
守滑州真廟朝老道士爲沈良擇笏云此借緋笏兼
是虔吉州通判沈時除吉州通判借緋又云候罷任
別爲棟朝官笏期明年六月沈果以是時卒由前一

事則貴賤在笏由後一事則吉凶在人漫錄云館中
有陳混常相笏經其說推本管輅李淳風之言又韋
氏相板印法魏程申伯相印法蓋相笏之類又有相
字法相花押法孔平仲談苑有相船法多不傳也野
客叢書又云崇文書目載有駝經鷹經

諺云遠水不救近火此出韓非子以干求請託爲鑽
出班固答賓戲商鞅挾三術以鑽孝公以見陵於人
爲欺負出漢書韓延壽傳待下吏恩施厚而約誓明
或欺負之者延壽痛自克責曰不中用出史記始皇

紀吾前收天下書不中用者盡去之罵人曰老狗此
出漢武故事上嘗語栗姬怒弗肯應又罵上老狗曰
小家子出漢書霍光傳使樂成小家子得幸大將軍
至九卿封侯曰子細本北史源思禮傳爲政當舉大
綱何必太子細也罵人爲獾奴本南史王琨獾婢所
生曰附近古作傅近仲長統昌言宦豎傳近房臥之
內交錯婦人之間容短矮者俗謂之蓬文選有蓬脆
之語唐書王伾傳形容蓬陋蓋里巷常談其所從來
遠矣

賓退錄云常語有自來不得曰脫空周史少主崩命
馮道迎相公將立之公至相州周祖已爲三軍推戴
郭忠恕責道曰令公一旦反作脫空漢子順適曰快
活北史和士開語武成一日快活敵千年開元傳信
錄有快活三郎桑維翰謂友宰相外雖好其中甚不
快活自大曰尊重小史宰相自唐以來謂之禮絕百
僚見者無少長皆拜相少垂手扶之送客未嘗下階
客坐稍久則吏從旁唱相公尊重御女曰房屋南史
武帝手勅責賀琛曰朕絕房屋三十餘年人不平易

曰客氣左傳定公十年陽虎曰盡客氣也人欠雅致
曰村氣唐世語林薛萬徹尚丹陽公主太宗嘗謂人
曰薛駙馬村氣以酒御寒曰煖寒開天遺事王元寶
每至冬月大雪之際令僕夫自本坊巷口掃雪爲徑
路躬親至坊巷口迎揖賓客就本家具酒炙宴樂謂
之煖寒不應得財而得曰橫財獨異志盧懷慎爲疾
暴卒及復生曰冥司有三十鑪日夜爲張說鑄橫財
稱人德業益曰長進世說王長史與支公語支曰君
言義了不長進有傳事曰曉事文選楊修與曹子建

書曰修家子雲老不曉事與人議事曰計較三國志
孫堅傳夜馳見袁紹畫地計較稱人變常曰改常北
夢瑣言軍容使嚴遵美仁闈也嘗一日發狂手足舞
蹈傍有一貓一犬忽謂犬曰軍容改常也笑之不情
曰乾笑宋史范曄傳曄謀逆就刑於市妻來別罵曰
身固不足塞罪柰何枉殺子孫曄乾笑人能幹運曰
經紀唐書滕王元嬰與蔣王皆好聚斂太宗嘗賜諸
王帛勅曰滕王蔣兄自能經紀不須賜物言事不必
實曰風聞漢書尉陀傳陀曰風聞老夫父母墓已壞

削二十箇小食曰點心唐鄭僂爲江淮留後家備夫人晨饌夫人顧其弟曰治妝未畢我未及餐爾且可點心人性急曰不耐煩見宋書庾登之弟仲文傳不潔爲麀糟霍去病傳麀臯蘭下注以世俗謂盡死殺人爲麀糟義雖不同自有所出也謂有疾曰不快陳壽作華陀傳亦有此言辯白事之是否曰分疏漢書袁盎傳以不親爲解師古曰解者若今分疏矣遷居人治酒過主人飲曰煖房王建宮詞太儀前日煖房來女笄曰上頭花蕊夫人官詞曰年初十五最風流新賜雲鬟使上頭人不通達爲方頭陸魯望詩曰頭方不會王門事飲食曰一頓世說羅友曰欲乞一頓食前漢書注頓丘一頓而成治生計曰生活梁武帝謂臨川王宏曰阿六汝生活大可

今世之稱謂間有形於古記者女兒曰姐記曰女字或作姐古字假借也子也切今世多稱女兒爲姐尊之也稱人長曰老兄世說東府樗蒲大擲劉毅擲得雉劉裕援五木斥之曰老兄試爲卿答卽成盧焉又曰吾兄左傳宋向戌來聘見孟獻子尤其室對曰我

在晉吾兄爲之毀之重勞且不敢稱弟曰舍弟魏文帝與鍾繇書曰是以令舍弟子建因荀仲茂時從容喻鄙旨稱人弟曰令弟古以自稱弟謝靈運酬惠連詩來路值令弟開顏披心胸稱人曰郎君文選應璩與滿炳書曰好嘉郎君女兄夫曰姊夫元氏小焦與崑姪書吾時在鳳翔每借書於齊倉曹家徒步執卷就陸姊夫師授妹夫曰妹壻趙岐娶馬某女宗姜爲妻妻兄子融岐不以妹壻之故屈志於融女壻曰令壻唐咸安公主下嫁可汗上書恭甚且言肯爲兄弟

令壻半子也婦人謂夫妹曰小姑焦仲卿妻詩云却與小姑別淚落連珠子同行人稱曰火伴木蘭詞云出門見火伴火伴始驚忙稱先身人曰先輩王子敬問謝公林公何如庾公謝曰先輩初無論世說中亦多有此語奴婢所生子曰家生兒漢書陳勝傳免驪山徒人奴產子師古曰奴產子猶今云家生兒也鄙人之不肖曰奴才水經注李特至劍閣歎曰劉氏有如此地而面縛於人豈不奴才也又唐郭子儀曰子儀諸子皆奴才也男女締姻者兩家相謂曰親家唐

書蕭嵩自道曰天子親家翁以親字爲去聲見輟耕錄幼女曰丫頭劉賓客寄贈小樊詩花面丫頭十三四春來綽約向人時稱人曰某甲三國志許攸呼太祖小字曰某甲卿不得我不得冀州也呼後輩曰後生子鮑明遠少年時至衰老行篇云寄與後生子作樂當及春以字役公門曰書手報應記唐宋衍江淮人應明經舉元和初至河陰縣因疾病廢業爲鹽鐵書手

劉向校書子歆爲七略一曰集略二曰六藝略三曰諸子略四曰詩賦略五曰兵書略六曰術數略七曰方技略凡三萬三千九百九十卷王莽之末俱被焚燒東漢石室蘭臺東觀及仁壽閣集新書校書郎班固傳毅典掌依七略爲書部董卓之亂王允收而西者僅七十餘乘道遠復棄其半魏采掇遺書藏在祕書中外三閣祕書監荀勗因鄭默中經更著新簿分爲四部曰甲乙丙丁合二萬九千九百四十五卷西晉李充以勗舊部校之在者但有三千一十四卷宋元嘉中祕書監謝靈運造四部目凡六萬四千五百八十

二卷元徽中祕書丞王儉造目錄一萬五千七百四
卷儉又別撰七志一曰經典二曰諸子三曰文翰四
曰軍書五曰陰陽六曰術藝七曰圖譜齊永明中祕
書丞王亮監謝朓又造四部書目凡一萬八千一十
卷梁初祕書監任昉躬加部集文德殿所藏二萬三
千一百六卷時有任昉殷均四部目錄又文德殿目
錄又術數之書更爲一部使奉朝請祖暉撰其名普
通中阮孝緒更爲七錄一曰經典二曰紀傳三曰子
兵四曰文集五曰技術六曰佛七曰道元帝克平侯

景收文德殿書歸江陵凡七萬餘卷周師焚之宋武
入關所收姚符圖籍纔四千卷後周書目八千增至
萬卷周平齊僅至五千卷隋初祕書內外閣凡三萬
餘卷煬帝觀文殿所貯亦分四部一云嘉則殿書至
三十七萬卷唐滅僞鄭盡收圖書古跡命司農少卿
宋遵貴載以船行經砥柱多被漂沒所存者十不一
二其目錄亦有殘缺唐書考見存者大凡八萬九千
六百六十六卷開元中兩都聚書最盛爲卷八萬有
奇而唐人所自爲者幾三萬卷亦僅五萬有餘而已

一云四部目錄五萬一千八百五十二卷一云七萬卷宋初有書萬餘卷其後削平諸國又詔求散亡三館之書稍復增益太宗於左昇龍門北建崇文院徙三館書實之又別爲書庫曰祕閣又禁中龍圖閣後苑太清樓及玉宸殿四門殿亦各有書萬餘卷仁宗新作崇文院命學士張觀等編四庫書爲崇文總目四十六類三萬六百六十九卷史館一萬五千餘卷至徽宗時總開國以來所撰集之目爲部六千七百有五爲卷七萬三千八百七十有七靖康之難蕩然

靡遺南渡以後復加集錄館閣書目五十二類四萬四千四百八十六卷至寧宗時續目又一萬四千九百四十三卷其後至宋亡史又續載之凡十一萬九千九百七十二卷

士大夫家所藏在前世如蔡邕有書萬卷嘗載數車與王粲粲亡後粲子被誅邕所與書悉入族子葉張華載書三十車杜兼至萬卷沈約藏書至十二萬卷唐吳兢西齋書目一萬三千四百餘卷韋述續七志有二萬卷鄴侯李繁插架三萬卷南唐馮贇序雲仙

散錄言家藏書二萬卷宋南都戚氏歷陽沈氏廬山
李氏九江陳氏番陽陳氏王文康李文正宋宣獻晁
以道劉壯輿皆號藏書之富邯鄲李淑五十七類二
萬三千一百八十餘卷田鎬三萬卷昭德晁氏二萬
四千五百卷南都至四萬三千餘卷而類書浩博若
太平御覽等書不與焉次如曾南豐及李氏山房亦
皆一二萬卷其後無不厄於兵火者又如濮安懿王
之子宗綽蓄書七萬卷其子仲縻進目錄三卷他如
石林葉氏多至十萬卷齊齋倪氏月河莫氏竹齋沈

氏程氏賀氏皆號藏書之富各不下數萬餘卷亦皆
散失無餘宋末惟直齋陳氏書最多至五萬一千八
百餘卷且倣讀書志作解題極其精詳後亦散失於
兵火至於蜀中三李秀岩東牕鳳山三族號爲史家
所藏僻書尤多後亦無餘周公謹家三世積書凡有
四萬二千餘卷及三代以來金石刻一千五百餘種
後皆厄於火又聞浦陽鄭氏義門藏書極多家有藏
書樓若干間其額是建文所書擘窠大字御書樓三
字藏書有八萬餘卷古名賢墨蹟畫刻亦不下五六

百種皆付煨燼書之難積而易散也如此

近者以火又聞前朝燬丹雘門燬書跡多宋前燬
四萬二千緘卷又三升以來金口收一千五百緘
燬燼書迹多近亦無存周公黠定三世書凡有
兵火至於燬中三李表峇東鳳山三焚燬為史家
日緘卷且燬書志并輒錄其詳近亦燬矣
惜夫無緘宋末并直齋刺并書最多至正萬一千八
升野并賢并皆燬書之富各不并燬萬緘卷亦皆

說略卷之十五

江寧顧起元太初輯

字學

夏英公集古篆韻所引書目汗簡說文石經字略夏
書縮韻雲臺碑豫讓文古孝經古周易古尚書演說
文雜古文林罕集古老子山海經古史記古漢書孫
彊集馬日碑集牧子文古世本義雲章古莊子碧落
文華岳文古案經張揖集亢倉子古爾雅古論語古
毛詩開元文李彤集古春秋古禮記徐邈集三方碑

茅君傳古樂章古周禮石椁文濟南集馬田碑銀床
 頌烟蘿頌荆山文庾儼集古月令南嶽碑陰符經王
 庶子碑祝尚書韻比干墓銘衛宏字說貝丘長碑凌
 壇臺文季札墓銘滕公墓銘周才字錄朱育集字樊
 先生碑義雲切韻羣書古文楊大夫集天台經幢蔡
 邕石經王維畫記顏黃門說庾儼字書證俗古文王
 先生誄彌勒傳碑陳逸人碑楊氏阡銘鬱林序文周
 書大傳淮南子上昇記王惟恭黃庭經趙琬章古字
 畧王存義切韻張庭珪劍銘裴光遠集綴郭昭卿字

指李商隱畧古崔希裕畧古丘光庭序文鳳栖記

楊用脩聞見字書目石鼓文鄭樵注王應麟注蘇軾注史篇說文引

九經韻補羣經音辨賈昌朝小爾雅孔鮒廣雅張揖要雅梁劉

杏賈升卿埤蒼升卿漢永元中人糾謬正俗顏師古通俗文虞服

說文五義吳淑說文系傳徐鍇吕忱字林陸該字林葛洪

字苑曹產字苑御覽字府庾元威字府鍾鼎欵識薛尚

功集古錄歐陽脩博古圖考古圖吕大臨金石錄趙明誠故

跡遺文徐浩古跡記北齊李鉉字辨李燾五音譜七

音韻鏡宋吳恭字林音義張揖誤字周成難字宋庠

釋音陶弘景黃庭經音孫炎爾雅音釋玄應諸經音
 義蕭該漢書音義李舟切韻董南一切韻指南晉王
 延文字音何承天纂文阮孝緒文字集畧李登聲類
 李季節音譜陸法言集韻隋潘徽韻纂孫恂唐韻曹
 憲桂苑珠叢張參五經文字唐元度九經字樣夏竦
 古文四聲韻趙克繼廣古文四聲韻郭忠恕佩觿集
 鄭樵字始連環鄭樵象類書溫公切韻指掌圖孟昶
 書林韻會黃公紹韻會舉要吳棫韻補顏元孫干祿

字書婁機廣干祿字書周琦六書正譌王隆小學篇
 說文字原劉士明動靜字音唐蒙博物記李肩吾字
 通洪适隸釋呂靜韻集周思言音韻文字辨疑夏侯
 該韻畧杜臺卿韻畧楊休之韻畧張揖古今字詁阮
 孝緒古今文詁班馬字類丘陵文字指要郭知玄集
 韻拾遺鄭氏篆髓戴侗六書故毛冕禮部韻畧劉淵
 平木韻韻總李涪刊誤陳思寶刻叢珠書苑菁華王
 柏正始之音字謚隸格聲緯

英公用修所疏未備者神禹碑李斯嶧山碑泰山碑

秦望山碑詛楚文石鼓音僧曇域補說文字解說文
 音隱說文韻補古今字書楊承慶字統顧野王玉篇
 釋慧力像文玉篇趙利正玉篇解疑司馬光類篇侯
 洪伯字類叙評謝康樂要字苑馮榦括字苑葛洪要
 用字苑殷仲堪常用字訓賈魴字屬篇鄒里要用雜
 字王義文字要記周成解文字薛立字宗文字譜江
 邃釋文王愔文字志王氏文字要說難字要覽字知
 源郭訓字旨篇桂苑珠叢畧要隋王劭俗語難字李
 少通雜字要僧正度雜字書文字整疑正名顏延之

纂要文字釋疑李少通今字辨疑顧愷之啟疑文字
 指歸唐武后字海稽止辨訛僧智光龍龕手鑑僧寶
 誌文字釋訓明皇開元文字音義唐歐陽融經典分
 毫正字音書考源周研聲韻呂靜韻集張諒四聲韻
 林段弘韻集羣玉典韻王該文章音韻李槩修續音
 韻決疑纂韻抄劉善經四聲指歸沈約四聲夏侯詠
 四聲韻畧趙氏韻篇李槩音譜釋淨洪韻英陸慈切
 韻蕭鈞音韻武元之韻銓明皇韻英顏真卿韻海鑑
 源僧猷智辨體補修加字切韻李邕唐韻要畧雍熙

廣韻丁度集韻禮部疑韻陳彭年重修廣韻吳鉉五音廣韻景祐韻王延雜文字音陽休之辨嫌音異字同音張推證俗音顏愍楚證俗音畧叙同音聲韻圖柳曜五音切韻樞切韻指元論僧鑑言切韻指元疏劉守錫歸字圖僧守溫三十六字母圖僧行慶定清濁韻鈴切韻內外轉鈴內外轉歸字郭逸音訣劉鎔經典集音泉志古印式劉伯莊史記漢書音義徐文遠左傳音李玄植三禮音義公孫羅文選音義陸德明經典釋文曹憲文選音義許淹文選音劉原父先

秦古器記張有復古編張有五聲韻補六書統六書精蘊四書五經明音古今韻漢隸分韻李陽冰謙卦碑李陽冰新泉銘趙古則聲音文字通正轉音畧字學源流六書指南六書本義王侏嘯堂集古錄高似孫五書總韻林罕字源偏傍小說葛刪正續千文字婁機漢隸字源劉球碑本隸韻佐書韻編洪适隸釋石經遺字碑王楚鍾鼎篆韻無銜鍾鼎韻杜本華夏同音吾衍學古編吾衍續古篆韻吾衍疑字吾衍說文續釋楊鉤鍾鼎篆韻宣和譜楊克一集古印格王

厚之復齋印譜顏叔夏古印譜姜夔集古印譜趙孟頫印史王應電同文備考黃諫從古正文楊慎轉注古音畧古音餘古音附書學正韻李宗言釋字

六書當分六體班固云象形象事象意象聲假借轉注是也六書以十爲分象形居其一象事居其二象意居其三象聲居其四假借借此四者也轉注注此四者也四象以爲經假借轉注以爲緯四象有限假借轉注無窮也鄭漁仲六書考論假借極有發明至說轉注云一字數義展轉注釋而後可通後人不得

其說遂以反此作彼爲轉注許慎云轉注考老是也毛晃云老子下從七音化考字下從巧音巧各自成文非反考爲老也王柏正始之音亦以考老之訓爲非蕭楚謂一字轉其聲而讀是謂轉注程端禮謂假借借聲轉注轉聲皆合周禮注展轉注釋之說可正考老之謬矣又易疏云賁有七音義各不同觸類而長之衰有四音齊有五音從有七音差有八音敦有九音辟有十一音皆轉注之極也

漢世緯書旣出故言卯金刀者劉也按劉氏本范氏

後自秦而反其處者爲劉氏則劉當爲留說文留從
𠂔戶開爲𠂔𠂔爲春門戶闔爲𠂔𠂔爲秋門留自從
𠂔𠂔酉同故知留不從𠂔𠂔劉姓則不從刀也許慎以
劉爲留其轉而爲劉者以田則爲刀也然姓書周之
大夫有食采於劉者此畿南北地也因地以爲氏則
與漢姓異出但不知古文劉者其書與漢如何故凡
漢姓自當爲留或以爲留南朝有留異或以爲出留
侯非也特漢姓不出其本者如此耳

戰國策趙威后問齊使歲無恙耶王亦無恙耶楚辭
九辨曰還及君之無恙說苑魏文侯語倉庚曰擊無
恙乎又曰子之君無恙乎漢書元帝詔貢禹曰今生
恙何至不已乃上疏乞骸骨聘禮亦曰公問君賓對
公再拜鄭注云拜其無恙者顧愷之與殷仲堪踐行
人安穩布帆無恙隋日本遣使稱日出處皇帝致書
日沒處皇帝無恙神異經曰北方大荒中有獸咋人
則疾名曰獐獐恙也嘗入人室屋黃帝殺之人無憂
疾謂之無恙爾雅曰恙憂也應劭風俗通曰上古之
時草居露宿恙噬人蟲也善食人心大患苦之凡相

問曰無恙恙或以爲獸或以爲蟲或謂無憂廣干祿字書兼取憂及蟲事物紀原兼取憂及獸廣韻恙字下云獐獸如獅子食虎豹及人恙字下云憂也病也噬蟲善食人心是獐恙二義神異經合而一之則誤矣

說文略經略土地也左傳天子經略諸侯正封注聚土爲封曰略經謂巡行略謂邊界卽取土爲封之略孟子所謂域民不以封疆之界是也後世不知略之爲聚土陸詞黃公紹謂巡行爲略失之遠矣巡行可

以解經字而不可以解略字經略之云猶云防邊也猶云出塞也二字相聯爲義若以略爲巡行則謂邊云防禦謂塞爲征行可乎略也邊也塞也皆實字也邊塞字易明人皆知之略字義少隱故解者不以爲實字而虛之轉解轉謬矣再考左傳中凡言略者皆謂聚土爲封也如云侵敗王略又曰與之武公之略又曰吾將略地焉又曰略塞垣其義皆同尚書云嶠夷旣略謂立邊防以界嶠夷正天子經略之事也孔穎達不識略字本義以爲俗稱忽略簡略之略乃注

云用功少曰略何其俗而且陋謬而可笑哉孟子曰此其大略也略字本喻言謂得其邊而未盡其中也亦猶莊子所謂道無封爲是而有畛也郭象注云道無封故萬物得恣其分域妙得莊旨孟子之言略猶莊之言封與畛也惜乎趙岐之注孟不能如郭象之注莊也乃曰大略大要也漢武紀殺略謂入界殺人龔遂傳劫略謂入界劫人今遂以略爲殺爲劫史云智略輻湊蓋謂其智足以周知天下之略今遂以略爲才智之稱假借譬喻遠失初意矣

趙子昂詩嘈噴琵琶媚遠天二字草書人多不解按陸機文賦務嘈噴而妖冶注埤蒼曰嘈呿聲貌呿與噴及嘯同才曷切今本呿誤作啐洞簫賦務嘈嘈而妖冶長笛賦啾咋嘈啐啐慈沒切一云才曷切浮艷聲也

沈約始爲四聲韻以平上去入分清濁高下自謂靈均以來未始有覩而梁高祖雅不好之問周捨曰何謂四聲捨對曰天子聖哲是也帝竟不能遵用陸厥與約駁論甚苦後至隋儀同劉臻等過陸法言論及

聲韻以今聲調既自有別諸家取捨亦復不同吳楚則時傷輕淺燕趙則多傷重濁秦隴則去聲爲入梁益則平聲似去又支脂魚虞共爲一韻先仙尤侯俱論是切欲廣文路自可清濁皆通若賞知音卽須輕重有異因取呂靜韻集夏侯該韻略陽休之韻略周思言音韻李季節音譜杜臺卿韻略等叅伍之當時遂有法言撰本長孫訥言箋註而同撰者爲劉臻顏之推魏淵盧思道李若蕭該辛德源薛道衡後又有郭知玄緒正朱箋三百字關亮薛响王仁煦祝尚丘

孫恂嚴寶文裴務齊陳道固各增加字至宋成廣韻二萬六千一百九十四字沙門神珙又有四聲五音九弄反紐圖其序略云聿興文序反切爲初一字有訛餘音皆失又云欲反字先須紐弄爲初一弄不調則宮商靡次昔有梁朝沈約創立紐字之圖皆以平聲碎尋難見唐又有陽審公南陽釋處忠撰元和韻譜與文約義俱詞理稍繁尋求難顯乃列五圓圖爲五聲圖每圖皆從五音字行皆左轉中有註說之又列二方圖爲九弄圖圖中取一字爲頭橫列爲圖首

目題傍正之文以別之譜曰平聲者哀而安上聲者厲而舉去聲者清而遠入聲者直而促傍紐者皆是雙聲正在一紐之中傍出四聲之外傍正之自此而分清濁也東方喉聲何我剛鄂訶可康各西方舌聲丁的定泥寧亭聽歷南方齒聲詩識之食止示勝職北方脣聲邦彪剝雹北墨朋邈中央牙聲更硬牙格行幸亨客自神珙之切行而韻字益明矣元周氏之譏約乃以中土冶音而勝之又欲以三聲而奪四聲尤可笑者然其所舉平聲如靴在戈韻車邪遮嗟却在麻韻靴不押車車却協麻元暄鴛言褰焉俱不協先煩翻不協寒山却與魂痕同押其音何以相着灰不協揮杯不協裨梅不協糜雷不協羸必呼梅爲埋雷爲來方與哈協如此呼吸非鳩舌而何伯清之所自持未必是而其所攻未必非也

切韻之學本出于西域漢人訓字止曰讀如某字未用反切然古語已有二聲合爲一字者如不可爲叵何不爲盍如是爲爾而已爲耳之乎爲諸之類似西域二合之音蓋切字之原也如輦字文從而犬亦切

音也殆與聲俱生莫知從來今切韻之法先類其字
 各歸其母唇音舌音各八牙音喉音各四齒音十半
 齒半舌音二凡三十六分爲五音天下之聲總于是
 矣每聲復有四等謂清次清濁平也如顛天田年邦
 降龐茫之類是也皆得之自然非人爲之如幫字橫
 調之爲五音幫當剛臧央是也幫宮之清當商之清剛角之清臧徵之清
央羽縱調之爲四等幫滂傍茫是也幫宮之清滂宮之清傍宮之清
濁茫宮之濁就本音本等調之爲四聲幫滂傍博是也幫宮之清滂宮之清傍宮之清博宮之清
不清不濁四等之聲多有聲無字者幫宮之清滂宮之清傍宮之清博宮之清

如封峯逢止有三字邕勇止有兩字竦欲止有一字
 五音亦然滂湯康蒼止有四字四聲則有無聲亦有
 無字者如蕭字肴字全韻皆無入聲此皆聲之類也
 所謂切韻者上字爲切下字爲韻切須歸本母韻須
 歸本等切歸本母謂之音和如德紅爲東之類德與
 東同一母也自有重中重輕中輕本等聲盡汎別等
 謂之類隔雖隔等須似其類謂唇與唇類齒與齒類
 如武延爲綿符兵爲平之類是也韻歸本等如冬與
 東字母皆屬端字中第一等中第一等聲故都宗切

宗字第一等韻也以其歸精字故精徵音第一等聲
 東字乃端字中第三等聲故德紅切紅字第三等韻
 也以其歸匣字故匣羽音第三等聲又有牙用借聲
 類例頗多大都自沈約為四聲音韻為密然梵學則
 有華竺之異南渡之後又雜以吳音故音韻龐駁師
 法多門至於所分五音法亦不同如樂家所用則隨
 律命之本無定音常以濁者為宮稍清為商最清為
 角清濁不常為徵羽切韻家則定以唇齒牙舌喉為
 宮商角徵羽其間又有半徵半商者如來日二字是

也皆不論清濁五行家則以韻類清濁參配今五姓
 是也梵學則喉牙齒舌唇之外又有折攝二聲折聲
 自臍輪起至唇上發如舛字之類是也攝字鼻音如
 歆字鼻中發之是也字母則有四十二曰阿多波者
 那囉拖婆茶沙嚩哆也毘吒合二迦娑麼伽他社鎖乎
 拖前一拖輕呼此一拖重呼奢佉义合二娑多合二壤曷合二攞多合二婆聲上
 車娑麼合二縑伽聲上吒拏娑頗合二娑迦合二也娑合二室者
二佗陀為法不同各有理致先王所不言然不害有
 此理歷世浸久學者日深自當造微耳

經籍中多有古字通用及假借而用讀者每不之察如易豐卦雖旬無咎禮記內則旬而見注皆釋均不知旬卽古均字遯卦肥遯無不利肥古作蜚與蜚字同韻書訓別也則肥當從蜚離卦離麗也又云明兩作離禮昏經曰納徵束帛離麗古通用巽卦喪其資斧資當讀爲齊應劭云齊利也淮南子云磨齊斧以伐朝菌漢書王莽傳引易句資作齊資齊古通用艮卦艮其限列其夤厲熏心熏讀爲闡蓋艮爲闡也熏闡古通用歸藏易一與與讀爲坤卽古坤字書堯典

方命圯族圯讀爲弊卽古弊字禹貢西傾因桓是來又和夷底績水經注和夷底績卽西傾因桓之桓漢書桓東少年塲注桓楹卽和表和表又轉爲華表桓譚新論隋志作華譚桓和華三字古通用又岷嶓旣蕪又岷山導江史記引此皆作汶三國志蜀後主測登觀汶水之流五代史王建貶衛尉少卿李鋼爲汶川尉徐無黨註汶讀作岷汶岷古通用五子之歌甘酒嗜音又儀狄作酒禹飲而甘之二甘字當讀爲酣古字省文微子沈酗于酒酗當讀爲醕音煦漢書趙

克國傳醉醕羗人顏師古曰醉怒曰醕即醕字罔命
伯罔說文罔作罍唐杜佑奏省官疏云伯景為太僕
罔罍與景字同音亦相借耳詩小序氓喪其妃耦妃
當讀為配妃配古通用國風猗嗟名兮玉篇引名作
顛眉目之間也西京賦眇流盼一顧傾城注眇眉
睫之間皆言美人眉目流盼使人冥迷所謂一顧傾
城也名顛冥三字古通用小旻發言盈庭發讀為眇
發眇古通用碩人鱣鮪發發發讀為潑發古潑字省
文小雅采菽平平左右論語便便言皆訓辨給也堯

典平章百姓史記作便章百姓平便古字通用公劉
芮鞠之即韓詩外傳作院班孟堅云弦中谷丙水出
西北東入涇注芮院雍州川也師古云院讀與鞠同
古字通用蓼蕭為龍為光長發荷天之龍二龍字註
皆釋寵也然不知即古寵字省文隰有萋楚旖旎其
華王逸云今詩作猗儺二字皆平聲楚辭紛旖旎乎
都房相如賦旖旎以招搖楊雄賦旗旒郅偁之旖旎
王褒賦形旖旎以順吹旖旎即古猗儺字殷頌武王
載發發讀為旆發旆古通用禮記月令審端徑術讀

言明 卷之十五 五
為遂術遂古通用又天子乃鮮羔開水鮮讀為獻鮮
獻古通用玉藻立容辨卑母調辨讀為貶辨貶古通
用又盛氣顛實揚休顛讀為填顛填古通用一命緼
鞞幽衡幽讀為黝黝黑色幽黝古通用少儀變和之
美美讀為儀美儀古通用樂記名之曰建燾建讀為
展建展古通用祭義燔燎羶羶羶讀為馨香羶羶
馨香古通用祭統百官進徹之進讀為餽進餽古通
用投壺若是者浮浮當讀為罰浮罰古通用又籌室
中五扶堂上七扶公羊傳曰膚寸而合何休曰側手

為膚按指為寸扶讀為膚扶膚古通用又王言如綸
其出如綉綉讀為紉紉紉古通用周禮小司徒施其
職而平其政政讀為征政征古通用賈師展其成而
奠其賈奠讀為定奠定古通用司尊彝凡酒修酌修
讀為滌修滌古通用太宗伯攝為戴果果讀為裸音
灌果裸古省文司几筵每敦一几鄭玄曰敦覆也敦
讀為燾敦燾古通用鬱人遂狸之狸讀為埋狸埋古
通用大胥春入學舍采合舞舍讀為釋舍釋古通用
典瑞纁藉五采五就以朝日纁讀為藻纁藻古通用

巾車革路龍勒條纓條讀爲條條古通用又蒲蔽
芴蔽藻蔽藩蔽爾雅輿前謂之艱後謂之芴竹前謂
之禦後謂之蔽通作芴蔽芴古通用雍氏秋繩而芴
之繩讀爲孕繩孕古通用考工記梓人爲侯上兩個
與其身个讀爲榦个榦古通用輶人輶欲頤典頤典
讀爲懇殄頤懇典殄古通用函人犀甲七屬屬讀爲
注屬注古通用又眡其鑽空空讀爲孔空孔古通用
幌氏以欄爲灰欄讀爲練欄練古通用矢人以其箝
厚箝讀爲橐箝橐古通用匠人爲溝洫凡行奠水奠

讀爲停奠停古通用弓人爲弓老牛之角紵而昔昔
讀爲錯昔錯古省文又畏也者必撓畏讀爲隈畏隈
古省文又中有變焉故校校讀爲絞校絞古通用儀
禮注布八十縷爲一宗宗讀爲升宗卽古升字春秋
宣公九年晉郤缺救鄭成公十七年晉殺卻缺卻古
郤字左傳隱公元年衆父卒衆讀爲終衆終古通用
文二年穆伯及晉司空士穀盟于垂隴及士會士燮
士鞅士當作土傳譌耳又詩徹彼桑土土讀爲杜土
姓杜伯之後土卽古杜字省文宣四年鬪穀於菟班

固叙傳引此菟作擇古通用襄二十五年子產對晉云庸以元女大姬配胡公而封諸陳以備三恪恪當讀爲客恪客古通用又衛侯入逆于門者領之而已說文領低頭也徐氏曰點頭以應也今作領襄八年亦不使一介行李告於寡君介讀爲介介古通用昭元年趙孟視蔭蔭讀爲陰蔭陰古通用文元年享江芊而勿敬也又昭十三年芊姓有亂必季實立今氏書有乚姓而無芊姓諸韻書乚芊二字同音皆訓羊出聲則知芊卽古乚字昭七年隸臣僚僚臣僕僚

當讀爲牢僚卽古牢字昭二十五年隱民多取食焉國語勤恤民隱而除其害也詩云如有隱憂隱當讀爲殷隱殷古通用又公徒釋甲執冰而踞冰讀爲棚箭房之蓋冰棚古通用定三年唐成公如楚有兩肅爽馬爽讀爲霜爽霜古通用穀梁傳以伯宗爲伯尊賈逵以宗盟爲尊盟與舜典禋於六宗宗亦爲尊宗尊古通用國語王乃秉枹親鼓之離騷援玉枹兮擊鳴鼓枹讀爲桴枹古通用論語多見其不知量也多當爲祗正義云古祗字孟子河海之於行潦潦讀

爲澇潦澇古通用素問脉泣而血虛又云寒氣入經而稽遲泣而不行又云多食鹹則脉凝泣而變色泣讀爲澀泣澀古通用莊子膠膠擾擾膠讀爲攪膠攪古通用賈誼過秦論信臣精卒陳利兵而誰何問之也漢書有誰何卒注誰與高帝譙讓項羽之譙同何與呵同譙呵如今關城盤詰之例誰譙何呵古通用史記庾死獄中說文束縛捽捽爲史史古通用又盧綰之孫他人封亞谷侯亞漢書作惡漢條侯周亞夫有玉印其文曰周惡夫印亞惡古通用又尉佗曰使

我君中國何渠不若漢長安狹斜行丈夫且徐徐調弦渠未央淵明詩壽考豈渠央黃魯直木穿石槃未渠透渠字班史及古樂府王融三婦豔詩俱作遽字宋王楙引庭燎詩註云夜未渠央渠當呼作遽謂夜未遽盡也渠遽古通用漢紀紅女下機紅卽古工字太史公論英布曰禍之興自愛姬殖生於妬媚以至滅國又漢書外戚傳亦云成結寵妾妬媚之誅二媚字並讀爲媚媚亦妬也五宗世家云常山憲王后妬媚王充論衡云妬夫媚婦生則忿怒鬪訟媚媚古通

用漢書兵難踰度踰讀爲遙卽古遙字又規察規讀爲廉規覘視之義卽古廉字呂紀未敢訟言誅之訟讀爲公古公字又孟光舉案齊眉張平子四愁詩何以報之青玉案二案字卽古椀字又思玄賦顓霸旅而無友兮顓讀爲獨顓獨古通用百卉含蘼蘼讀爲花卽古花字言辯而确确讀爲確确確古通用又白頭如新傾蓋如故說苑作白頭而新傾蓋而故而如古通用秦方士徐市又作徐福實一人也市讀爲黻古黻字黻福聲相近司馬長卿大人賦上仙仙有凌

雲之氣仙讀爲飄仙飄古通用論衡云五員帛喜帛喜讀爲伯髡帛伯通喜古髡字省文又旱火變也湛水異也天官書一湛一旱時氣也淮南子旱雲烟火涔雲波水又雲雖有涔旱災害之殃民莫困窮已也湛涔古通用淮南子人間訓置之前而不輦錯之後而不軒輦讀爲輕古輕字泰族訓無隱士無軼民又車有勞軼軼讀爲逸軼逸通又經誹譽以導之齊俗訓聽失于誹譽誹讀爲毀誹毀古通用又鳥窮則噉獸窮則卑噉讀爲喙噉喙通卑讀爲觸卽古觸字兵

畧訓吏民不相憖憖讀爲睦憖睦古通用又進退屈伸不見朕整整讀爲垠卽古垠字又昧不給撫呼不給吸給讀爲及給及通韓詩內傳已北耕曰由呂氏春秋管子皆云堯使稷爲由錢譜神農幣文農作由由農通風俗通怪神女新從聳家來聳讀爲壻卽古壻字束皙補亡詩鮮侔晨葩莫之點辱左思唐林兄弟贊二唐潔已乃點乃汚陸厥答內兄希叔詩旣叨金馬署復點銅龍門點卽古玷字析里橋碑跋云醜散關之嶮潔史記張儀傳杖而醜之韓信傳醜兵北

首燕路洪氏載漢碑文有云農夫醜未又云辭榮醜黻醜卽古釋字管子君臣上篇緝綽卽古交冕字又輕重甲篇鮑卽古鳩字唐蘇頲朝覲壇頌虬虞氏虬讀爲稽古稽字白樂天詩云誰教不相離相字讀爲厮相厮古通用金大定中題燕靈王之柩作舊柩舊古通用此類甚多不可殫述苟讀如其字誤亦甚矣茗溪漁隱謂老杜借問大將誰恐是霍嫖姚漢朝頻遣將應拜霍嫖姚將軍只數霍嫖姚按漢史師古注並去聲呼此作平聲蓋從服虔之音爾聞見錄亦譏

子美用嫖姚字爲失不知二字作平聲古人已用之
如梁蕭子顯詩夫婿仕嫖姚十八賈登朝庾信詩寒
衣須及早將寄霍嫖姚王褒詩樓蘭校尉稱嫖姚唐
人以前多如此而唐人如李嘉祐身逐嫖姚幾日歸
高適每逐嫖姚破骨都李白將軍兼領霍嫖姚張祐
二十逐嫖姚羅隱尊壘合伴霍嫖姚李益君逐嫖姚
將韋應物嫖姚恩顧下有霍嫖姚張籍曾將順策
佐嫖姚爲佐嫖姚未得歸杜牧之鑿兵不羨霍嫖姚
李商隱五年從事霍嫖姚郎士元壯心竟未嫖姚知

不獨子美然也又考漢志歌曰五音六律依韋響昭
雜變並會雅聲遠姚注嫖姚也則作平聲有自來矣
孟子滄浪之水濁兮濁音獨與足叶史律書濁者觸
也白虎通瀆者濁也漢書潁水濁灌氏族古樂府獨
漉獨漉水深泥濁枚乘七發輸寫澳濁發皇耳目張
君祖詩風來詠愈清鱗萃淵不濁斯乃玄中子所以
矯逸足俗謂不明曰瞽濁以酒爲喻也

韻略宿音繡亢音剛氏音低觜音訾皆非也二十八
宿謂之二十八舍又謂之二十八次次者舍也皆有

止宿之義今乃音秀此何理也爾雅云壽星角亢也
注云數起角亢之長故有高亢之義今乃音剛非也
爾雅天根氐也注云角亢下繫於氐若木之有根其
義如周禮四圭有邸漢書諸侯王邸之邸音低誤矣
西方白虎而參觜爲虎首故有觜之義音訾誤矣
天子萬乘諸經音訓皆作去聲傳玄漢高祖畫贊曰
赫赫漢祖受命龍興五星協象神母祥徵討秦滅項
如日之升起從側陋光據萬乘亦可以平聲用也
司馬君實嘗論九旗之名旗與旂相近緩急何以區

別小雅庭燎夜向晨言觀其旂左傳見伏辰取號之
旂當爲芹音耳

晉避司馬昭爲韶音至唐尚呼昭穆作韶穆宋始改
正耳東漢都洛陽火德王避洛字水尅火故爲雒陽
隨以魏周齊不遑寧處文帝惡之故去走爲隋見李
涪刊誤楊用修獨云昭穆之昭本音韶亦有據也涪
又云近歲精用文者以僅爲近書舅甥之甥不從男
止書生字旁求爲傍求繆爲謬馬廐作廐薦作薦隋
今作隋如故洛雒繆謬尚通他不爾也

陸龜蒙詩賴得伍員騷思少夫差剛免似荆懷宋人
小說云以龜蒙之博學而誤呼伍員之名豈趣韻邪
按員之音運本無前訓惟唐員半千傳云半千本宋
劉凝之十世孫初凝之因齊受禪奔元魏自北伍員
故改姓員唐世謠云令公四俊苗李崔員以後證先
知伍員之員音運也如巢縣之巢音勦朴胡之朴音
浮濡水之濡奴官反古賢相傳自有此一種音韻今
不悉見耳

說文欵乃唐也集韻作唉或從口或從欠如嘯之作
歎歎之作嘆字雖殊義一也史項羽紀亞父拔劍擊
玉斗而破之曰唉楊子法言始皇方獵六國而翦牙
欵注欵絕語歎聲楚辭欵秋冬之緒風楚辭用之於
句首楊子用之於句終蓋噫嘻嗚呼之類也朱子辨
證云欵乃棹船相應聲元結有欵乃曲柳宗元詩欵
乃一聲山水綠注欵乃一本作襖靄按欵音靄乃音
襖近日倒讀之誤矣項氏家說云劉蛻文集有湖中
靄乃歌劉言史瀟湘詩有閑歌暖乃深峽裡靄乃也
暖迺也欵乃也皆一事但用字異爾欵本音哀亦轉

言明 卷之十五 二四
作上聲後人因柳集中有注云一本作襖靄遂欲音
欵爲襖音乃爲靄不知彼注自謂別本作襖靄非謂
欵乃當音襖靄也

四皓中用里先生用音祿今呼爲覺里則發笑然考
之祿亦角也古詩盤中詞曰與其書不能讀當中央
周四角是亦以角爲祿也按玉篇廣韻注二音皆通
用羣經音辨古岳切獸角也禮黃鍾爲角音祿如字
資暇錄謂孔氏祕記慮將來之誤直書爲祿里漢魏
之人多然如繁欵祿里先生訓亦書爲祿孔氏卽孔

安國祕記不可得而聞其事見抱朴子又按毛詩麟
之角叶公族雀無角叶穿我屋有椽其角叶以似以
續皆已作祿音矣

馨字晉人以爲語助辭王衍傳何物老嫗生此寧馨
兒世說劉真長語桓温曰使君如馨地寧或鬪戰求
勝王導與何次道語舉手指地曰正自爾馨王朝之
雪中詣王摛持其臂摛撥其手曰冷如鬼手馨強來
捉人臂劉惔譏殷浩云田舍兒強學人作爾馨語合
此觀之其爲語辭了然唐劉禹錫詩幾人雄猛得寧

言明
卷之十五
馨得晉人語意矣

說文蠲馬蠲也从虫引明堂月令腐草爲蠲明也洗也潔也除也尚書圖厥政不蠲烝馬音圭詩吉蠲爲饈左傳蠲其明德古有消圭二音東坡醉翁操琅然清蠲誰彈党懷英題黃彌守吳江新霽圖詩修娥新粧翠連娟下拂塵鏡窺明蠲又題採蓮圖紅粧秋水照明蠲又轉音絹唐太宗詩水搖文蠲動浪轉錦花浮唐世有蠲紙一名衍波牋蓋紙文如水文也

今文語辭竭來聿來不知所始按楚辭車旣駕兮竭

而歸不得見兮心傷悲註竭去也又按呂氏春秋膠鬲見武王于鮪水曰西伯竭去無欺我也武王曰不予欺將伐殷也膠鬲曰竭至武王曰將以甲子日至註竭何也若然則竭之爲言盍也若以解楚辭則謂車旣駕矣盍而歸乎以不得見而心復悲也意尤婉至則今文所襲用竭來者謂盍來也非是發語之辭矣文選註劉向七言曰竭來歸耕永自踈顏延年秋胡妻詩曰竭來空復辭義皆謂盍來始通

漢志川塞谿坎水澹池長澹音潭水溢也文選澹淡

言明 卷之十五 三六
浮澹音潭淡音琰澹臺滅明亦音潭管子淮南子注
皆音潭今誦文選者澹淡作一音雌霓謬呼久矣
詩膚如凝脂凝去聲唐詩日照凝紅香白樂天詩落
絮無風凝不飛又舞繁紅袖凝歌切翠眉愁又舞急
紅腰凝歌遲翠黛低徐幹臣詞重省別時淚漬羅巾
猶凝張子野詞蓮臺香燭殘痕凝高賓王詞想蕙汀
水雲愁凝閑蕙帳猿鶴悲吟柳耆卿詞愛把歌喉當
筵逞遏天邊亂雲愁凝今多作平音失之音律亦不
協也

霓說文屈虹青赤或曰陰氣也雄曰虹雌曰霓研奚
切又五結切南史沈約作郊居賦以草示王筠讀至
雌霓連蜷沈撫掌曰僕嘗恐人呼爲平聲按謝靈運
山居賦霓字已作五結切矣范蜀公召試學士院用
彩霓作平聲考試者判郊居賦霓五結切范爲失韻
當時學者爲之憤鬱司馬文正公曰約賦但取聲律
便美非霓不可讀爲平聲也按韻書此類甚多有兩
音三音而義同者皆可通用
顏之推稽聖賦魏姬何多一孕四十中山何夥有子

百廿廿音入而集反說文二十并也俗音念者誤三十并爲卅音撒先合反四十并爲卅音錫先立反史記秦始皇諸刻石文四字爲句正用此今刻本一字改作二字黃花老人詩招客先開卅雙卻一字讀作二字皆可笑也

唐彥謙雨詩燈檠昏魚目薰爐咽麝臍檠作去聲王建贈李翱僕射詩每日城南空挑戰挑作上聲贈田侍中歸鎮詩綠窻紅燈酒初新燈作去聲劉夢得贈日本僧智藏詩爲問中華學道者幾人雄猛得寧馨

以寧字爲平聲李山甫赴舉別所知黃祖不憐鸚鵡客誌公偏賞麒麟兒以麒字爲去聲杜荀鶴哭賈島墓詩謫宦自麻衣銜怨至死時怨去聲今作平聲矣元微之春游篇欲終心懶慢轉恐意闌散以散爲平聲矣今時人稱諸樂工謂之散樂指散爲上聲余謂不然唐梨園樂欲所放散之樂工也此時各給據放散如此則散乃去聲矣

唐詩三十六所臨春殿一一香風透管絃白樂天綠浪東西南北水紅闌三百九十橋劉禹錫春城三百

九十橋夾岸朱樓隔柳條又煩君一日殷勤意示我
 十年感遇時陳郁云十音當為謔謂之長安語音非
 也十當音旬古人以十日為旬故如此讀也

甄有三音一在真韻之人切漢書甄表門閭靈貺自
 甄之甄一在先韻稽延切左傳左甄右甄軍之兩翼
 也一在震韻之刃切周禮典同薄聲甄注掉也鍾病
 也殷寅玄元皇帝應見賀聖壽無疆詩應曆生周日
 修祠表漢年無由同拜慶竊抃賀陶甄
 真韻旁入
 真韻矣

繇有六義黃履翁云漢高祖繇咸陽則與徭同文紀
 無繇教訓其民則與由同百官表咎繇則與陶同李
 尋傳繇俗則與謠同韋孟詩犬馬繇繇則與悠同班
 固賦謨先聖之大繇則與猶同

敦有九音禮敦厚以崇禮音墩詩敦彼獨宿音堆樂
 記樂者敦和音純詩敦彼行葦賈誼賦何足控敦並
 音團詩敦弓既堅廣韻天子弓也音雕周禮每敦一
 几敦覆也音憐周禮度量敦制注敦布帛幅廣也音
 準周禮珠槃玉敦明堂位有虞氏之兩敦音對爾雅

敦丘如覆敦音鈍

離有十六義黃離倉庚也見說文離麗也離也者明也見易雉離於羅見毛詩大琴謂之離見爾雅釋流離鳥名見詩注前長離而後喬皇注長離鳳也見相如賦織離馬名見李斯書陸離參差也見文選侏離夷語也見漢南蠻傳株離西夷樂名又設服離衛注陳也見左傳又離木名瑩冢中之樹見孔子世家又水名零離水東南至廣信入鬱林見地理志又姓離婁見孟子又轉去聲不離飛鳥不可須臾離也見禮

記又轉力爾切輪困離奇又離靡廣衍見漢書

苴有十四音七閭切麻也子閭切苴杖也又子旅切履中薦也又布交切天苴地名在益州見史記注又天苴與巴同又子邪切菜壤也一曰獵場又似嗟切苴咩城在雲南又鉏加切詩傳曰木中傳艸也水草曰苴字一作蒼又作泐今作渣非又都賈切土苴不精細也又側下切糞艸也又側魯切說文曰酢菜也酢古醋字又莊俱切姓也漢有苴氏又則吾切茅藉祭也又將預切糟魄也又子余切苞苴囊貨也

字有別音者如三紅下音絳妖蠱下音冶星宿音星
 秀二十八宿是也番禺音潘愚廣州縣名欵乃音靄
 襖天苴下音巴平反下音翻牢愁下音曹瀧水音雙
 德慶府縣名万侯尚音木奇屑句讀音句豆點句音
 讀褒余下音斜風裁下音采朝請下去聲袒免音但
 問五世親汨羅一音博羅縣名一音密羅江名牂牁
 音臧歌蜀江名單于上音蟬提撕下音西服匿上音
 避冒頓音沒突漢時匈奴名可汗音克寒漢唐時虜
 國王號闕氏音煙脂莫囂下音敖濡水上音丸休屠

下音儲用里音祿里四皓之一龜茲音丘慈曹大家
 下音姑玄端下音冕酒鎗攬槍下俱音鎗戲下上音
 麾月支音肉支身毒音天竺魯般下音班樊於期於
 音烏允吾音鉛牙彳亍音躑躅汴防音什方日磧音
 密低咎繇音臯陶茶首音蔡茂兩頭鹿也方良音罔
 兩斯沾音賜覘控惚音空忽盧維音雷雍水也翺翻
 音犀比隆慮音林間畏佳音隈摧嶧隗音摧頽蝓螺
 音偃僂梁闇音諒陰辟倪音睥睨魁結音椎髻慮虜
 音慮夷縣名朱提音殊時縣名取慮音趨問縣名枹

罕音夫謙狝氏音拳精縣名格澤音各鐸關龍上音
 豢嫪毒音澇靄酈食其下音異饑寧馨兒寧去聲僕
 射下音夜姑射下音益無射下音斨滹池音烏馱河
 名疆場下音益旁魄下音薄旖旎音婀娜受釐下音
 僖盟津上音孟國土下音度陶甄音真矰繳下音勺
 日施下音移枹鼓上音敷琅邪下音耶郡名邪谷上
 音耶綸巾上音關鬱隆上音蘊都龐下音龍邑名臯
 比下音皮徙縣下音斯犧樽上音梭率更上音律盤
 飧下音孫熟食也矛盾食蠹切黃能下音柰三足鱉

委蛇下音移於戲音嗚呼嘆辭尸解下音牟般若音
 鉢惹釋經衆生上音中釋經落魄下音託隱几隱去
 聲野燒燒去聲母丘上音貫見今濟陰縣南龍兌下
 音奪趙地方與音房豫趙縣名糊塗音鶻突遠去聲
 遠害全身遠市朝涯音牙詞押音移須搖下音史伊
 帆下音祈旖旎下音旒柴池下音差椽差上音參斗
 獻下音希無慮下音間義臺下音儀遁巡上音逡焯
 人上音庖翮幅下音翻涪漢下音灘井榦下音韓關
 弓上音彎羨門上音延澁水上音蹉茄下上音荷烏

稔上音鴉不羹下音郎僕區下音歐餘汙下音干烏
亘下音桓輪邊下音扁揣靡下音摩華聊下音騶中
盾下音允滌瀕上音濫團焦下音標川欄下音練炫
爚下音耀倜倡下音悵鬱壘下音律沙羨下音夷費
禕上音蜚虔劉下音盧宛句下音劬負尾上音陪山
名些息个切楚詞祆音軒胡神也扁音貶牌額也殷
烏關切赤黑色溺奴料切尿也沛公溺儒冠宿留音
秀溜相窆上音掘掘壤下音地窆壁讓君與臣射讓
地尺許揖厭下音葉推手曰揖引手曰讓亡慮上音

無倒景下音影耐可上音能詐諼下音泫亦詐也郎
罷下音擺閩人稱父隆準下音拙休告下音嗥骨朶
下音都阿訶上音兀齊衰咨衰赤市下音蒂令居上
音連邑名選懦下音軟扶服匍匐曲逆去遇睚眦獬
豸谷蠡祿梨墨屎眉癡康居下音渠函谷上音咸不
其下音箕邑名裴音肥邑名先零下音憐獻尊上音
荷

唐史載武后制字十二元天塋地壘照囧日因月○

星君風忠臣庀幼胤戴率年正却无什文而後山

叢談中又多廡初鑿證螿授至人聖囹國匪生七

字及讀通志止是十八字而無君仁幼三字却又益

以廡戴字重一正正字總計則又二十字矣書且不

同六書本義亦以此星字為武后星字似此增損書

訛恐後人所傳之不一且天作无日作囹並篆文也

年作乖正作舌亦有作正者授作螿亦有作穰穰者

國作囹亦有作囹者地字籀文亦有作壘者星字崔

希裕纂古而作然又非武后所創可知或武后當時

所用人自不考遂以為其創也若以據史止十二字

則黃林雲華嚴經跋云武后有證經等字乃桓彥範

署名親校者是出十二字之外矣

餘冬序錄云吳主孫休創八字名其子灣霽迄真

航舜此字音何音巨莽昱舉寇褒熒擁武后命宗秦

客改十二字行之制以嬰為名取日月當空之義南

漢劉巖亦制龔儼字為名取飛龍在天之義其妄如

此魏江式言世易風移文字改變篆形錯繆隸體失

真談辨之士加以意說炫惑于時乃以追來為歸巧

言為辯小兒為翫神蟲為蠶如斯甚眾顏氏家訓云

北朝喪亂之餘書跡鄙陋加以專輒造字乃以百念
爲憂言反爲變不用爲罷更生爲甦先人爲老如此
非一徧滿經傳二公之言其有感于同文之盛乎唐
君臣正論武后改易新字如以山水土爲地千千萬
萬爲年永主久王爲證長正主爲聖一忠爲臣一生
爲人一人大吉爲君然攷之但有壘季思至四字合
證作髮君作風與正論所言不同宋人記其時有上
俗書者衰爲矮養爲齋閨爲穩奎亦爲穩仆音嫻小
兒也丕音勒人瘦弱也丕音終人亡絕也禿音臘人

不能舉足也妖音大大女及姊也岳音礪山石之巖
窘也門音攔門橫關也余音酋言人在水上也水音
魅言没人水下也呬和馘切言隱身忽出驚人之聲
也邶音胡言多髭也弁東敢切以石擊水之音也如
此者不一而足字義雖甚淺鄙而徧傍亦有依附今
雲南夷俗諛訟彼欲誣陷人動曰𦉳灌賴之事𦉳字
惟見雲南耳

攪音踏取桔槔取水之義上以手攪而入下以脚踏
而出謂其轉轉不散亂也借人之難理會意邈音邊

音塔海篇云行歪貌借為人鄙猥糊塗意也音臺歌字平聲

音遮二字雖海篇亦不載今俗字集上有之謂作事軒

昂太過之意按宋時雜字冊此等語皆出宋時故山

谷集中有集音烈莫音挈藉音拿讀上聲苴音鮮塌音塔僿音鞞銳音克甲反

音雷反音蒲併等字多謂蜀語也義皆如今時之解但塌僿

謂物不蠲也

說略卷之十五終

